


天津府志 第二函

教育部圖書室

22.6210/2
635.073
312

12



Inches
Centimetres

Kodak Color Control Patches

1 2 3 4 5 6 7 8 9 10 11 12 13 14 15 16 17 18 19 20 21 22 23 24 25 26 27 28 29 30

0 10 20 30 40 50 60 70 80 90 100 110 120 130 140 150 160 170 180

重修天津府志卷二十四

輿地六

公廨

租界附

天津縣

萬壽亭在北門內只家衚衕迤東大殿三間朝房六間
外宮門三間朝房十間影壁一座牌樓二座周圍
牆垣六十丈歲時朝賀行禮并祝

萬壽及宣講

聖諭廣訓於此雍正八年鹽院鄭禪寶題請捐修

前志

總督行署康熙二年鹽政張冲翼及各官商人公



捐建造公署於天津河北舊餉道衙門基址前志又

云出巡天津滄州山東皆設有館廨其天津公署向係原裁戶部餉司衙門商人修葺為御史巡行之廨自康熙元年河西務鈔關移駐天津讓還之因改建此雍正七年重修有

環水樓共計房一百一十二間同咸豐十年鹽政

裁缺新設三口通商大臣仍以爲署同治九年裁

缺改爲總督行署十年重修共計房四百餘間志縣

參采訪冊葬鳩立重修公署記節錄雍正元年

子巡視長蘆鹽政屏絕苞苴卽一切糜仗亦無所

用又不欲廢向來制度因令收藏以俟後人至陳

設各物除銀器現具錦緞之屬當卽發還惟錫器

木器磁器留用亦召吏登記以便差竣給領至於

衙署之傾圮頽廢固已安之矣次年二月子東巡

留駐濟南者兩閱月眾商乘時集工繕修子聞之

卽傳諭甯樸毋華不得妄費及還而見署內之傾

者已正頽者已整整石砌磚易瓦繚垣庖福廁廡

靡不完聚署後舊有射圃在荒草中容至較射則

取葦蕭以避風日至是築室三楹址三層牆四圍

子因題所居南室曰敬事堂取論語敬事後食之

意也子舊以名甯夏署今蒞此地仍以名之題射

圃室曰釋志軒取禮記射者各釋己志之意也眾

商若勤勤爲子計者夫子家事且不問衙署美惡

更勿留意也故始而傾圮頽廢也安之繼而易舊

爲新也亦安之今再留任二年然日月如梭此室

乃傳舍也豈因繕修而以商人爲德哉但予素惡

新舊交代之際苟可攜者則掘載而去其難致者

則濫給與皂甚至櫛扉磚瓦之類亦恣行殘毀非

必出自居官者之意大概係無知僕從所爲予旣

惡此故嚴約下人時加愛惜使去任之日一如方

新之日并勒石以囑後之居是任者各飭其家人

下役不得恣意殘毀一以念商艱一以惜己福幸

勿謂予之饒舌也又環水樓記節錄天津公署

最後歸然而高者曰環水樓蓋取河流滌繞圍環

若帶之義也予嘗論孔子之取水曰水哉水哉而

孟氏以爲取其有本此特爲徐子言救其失耳夫

水之取類大矣哉潤槁滋枯於德為仁壯往直前
於德為義避高趨卑於德為禮深潛變動於德為
智應日從時於德為信如其從欲無厭則為貪泉
穰人自利則為盜泉納污藏垢則為濁流嚙隄殺
稼則為毒流一塵不染則為清波之潔萬物咸資
則為流澤之長睹斯水也亦各視其所取耳後之
登是樓者當使臣心似水無日魚鹽之利涓涓不
息可以自潤為也庶於環水之稱顧名而審厥義
也乎是為記 顧琮環水樓記雍正四年春正月
琮赴天津協理鹽政夏五月始受事入署四面皆
水中有樓焉蒞任之初未暇寓目案牘少清始登
焉有舊題環水樓額蓋天津為羣水所匯而使院
在運河之端西則充豫諸水入南運河者滌其前
迤北則諸淀之水會於北運河者遶其後皆東南
流至三岔河以合流而歸於海而茲樓適居其間
余每徘徊其上東南滄海西北神京極目四望則
志氣為之開張又或暝色入林羣動皆息靜夜月
明水天相逼掩卷默坐心神瑩然柳子厚有言君
子之為政也必有遊息之物高明之具使之清甯
平夷恆若有餘然後理達而事成蓋鏡之鑑也維

無物故能鑑物人心亦然維無事故能應事方其
無事寂然不動若水之止澄泓而可以鑑物也及
其應事感而遂通如水之流橫從倨句必循其理
其萬折也必東故君子見大水必觀焉省身之密
也遂書以自警且以告後之君子是為記

長蘆鹽運使司公署向在滄州新城康熙十六年
移至天津賃民房以居二十七年運司任璣及商
人共捐銀買津民班鐸房一所建為運司公署在
天津城內鼓樓東街向北共計房二百一十二間

前志

天津河間兵備道公署在東門大街北向為道署
雍正十年改為總督河院公署乾隆二年知縣張

志奇奉文改建共計房一百五十九間有靜廉堂

十四年總河裁缺仍為道署前志參縣志 顧琮

仲秋余督直隸河務方蒞任即巡視河防未遑居

處至冬十有一月望後四日歸天津使院越三日

友人傳文孫至自京攜朱子所書靜廉二字石刻

贈余余因以名堂夫靜與廉本乎性亦成於學者

也靜者格物之源神疑而後幾可研所以能慮也

廉者守身之要內澹而後外可潔所以不撓也石

刻在鎮邑學宮歲久流落民間士人張某得之牆

內移置其家而此刻復顯余生後朱子數百年得

其書而額諸室如日侍先賢

之側心常有警焉是以記之

津海關道兼鈔關公署在天津府城東門外本青

州分司公署舊基改建

冊 檔

天津府公署在大儀門西即舊衛署雍正十二年

天津府知府李梅賓建監造官正定府經歷張鑑

試用州同陳策 照牆一座大門三間官廳三間

門吏房三間快班房五間皂隸房三間土地祠三

間文昌祠三間道人房一間儀門三間東西科房

二十二間大堂五間抱厦三間更夫房二間大堂

後廂房六間二堂五間三堂五間三堂前東西廂

房各二間乾隆元年知府程鳳文先後捐建後正樓房上下十間

建署時知府李梅賓捐建二堂東官廳三間西廂房二間乾隆

知府程鳳文捐建書房三間西官廳三間書房三間廚房

五間更房一間西首馬棚二間馬夫房一間前志

天津府經歷司公署在府署東大門一間大堂三
間二堂三間住房三間科房班房二間書房三間
廂房四間共計房十九間前志

天津府同知公署向在西門內大街北雍正十一
年改爲道署乾隆三年重建十四年仍爲同知署

前志參照牆一座旗竿二座鼓棚二座大門一座

縣志 三間大門東門隸房一間東官廳三間西班牙六

間轎夫房一間二門三間東西角門角門東西各

一間關帝祠三間土地祠三間皂隸房東西六間

科房十六間大堂五間堂西大書房三間西廂房

三間二堂五間二堂西書廳三間小書房三間三

堂五間東西廂房六間東廚房三間東邊馬棚三

間馬夫房一間以上同知衙門原建三堂後住房五間東西

耳房六間東西廂房六間西北書房三間以上乾隆三年

奉文添建監造官天津道張東書廳恆齋三間東

書廳後層三間東書房前後二進共六間又二間

以上乾隆三年十月天津道陳弘謀捐建 同上

言也吾謂不然陳宏謀恆齋記蒞官者皆曰官衙如傳舍矣是

朝廷重是事始命是官以任是事廡署者治事之所

也初非有私厚於是人而高居大廈以安逸之也

朝廷安所得百年常任之官而用之而官事又將奚

命來此

為河道總督署而以津軍同知署改為道署雖曾
 動帑增修而規模未備接屬退思之所湫隘傾圮
 不足以容又周遭無牆垣逼近民舍無所障蔽揆
 之體制均非所宜予於戊午季春奉
 購東隅隙地增書室四所若干間繚以牆垣其舊
 者亦以次修葺之告成之後顏其堂曰恆齋謹案
 易之大象曰雷風恆君子以立不易方蓋至變而
 有不變者存君子體雷風之至變為吾心之不變
 是以進德而德可久修業而業可大也予以菲才
 忝膺劇要念茲津河兩郡戶雜旗民地鄰斥鹵撫
 綏化導調劑為難又分部南運子牙兩河巡行疏
 築運道民生所關甚鉅雖復早夜孜孜勉盡職業
 日講求夫可以常久之道始終如一而日新之猶
 懼識淺力薄於事無濟而敢傳舍視之為苟安且
 夕之計以取羞於無恆耶此余所以葺是齋而以
 恆名之也或有疑余之眷眷營葺之勞又或以余
 為高居大廈之是適
 者殊未諒余衷矣

海防同知公署原在葛沽道光二十三年建縣志同

治十三年移新建新城內在城東八十里同上

天津鎮總兵官公署在鐘鼓樓西大街係天津衛

舊署改建照牆一座東西轅門牌坊一座鼓吹棚

二座旗杆臺四座東西材官廳十間東西吏房三

間旗牌房各三間大門三間土地祠三間井神祠

一間軍牢房二間儀門三間東西科房十間大堂

五間內官廳三間二堂三間東西廂房六間大書

房五間中書房三間內書房五間南書房五間三

堂三間東西廂房六間樓房上下十間東西廂房

六間板房三間羣房三十間大門東官廳五間西

箭亭三間 前志

左營遊擊公署在神機庫汛地後天津衛志係屯

田察院舊署

右營守備公署在神機庫汛地後迤西 俱同上

大沽協副將公署在海口蘆家嘴新城即水師都

統舊署址同治十一年建 采訪冊

城守營都司公署在武廟迤東

豐財場大使署在葛沽 縣志

鹽運使司經歷 知事 庫大使 小直沽批驗

所大使俱賃民房

府學教授署在學東

府學訓導署在學後

天津縣公署在鼓樓東北舊倉廩基址雍正十二

年天津縣知縣徐而發奉文建

教諭署在學西

訓導署在學後

天津典史公署在縣署西

管河縣丞 管河主簿 楊青驛驛丞 葛沽巡

檢等署俱賃民房

北倉大使兼西沽巡檢署在北倉 俱同上

皇華亭在北馬頭 郵亭大門正堂穿堂廂房共

十二間前志

館驛樓在北門外上有津門重鎮畿輔要津匾額

鄉會賓興於此又館驛一所大門正堂後堂共九

間縣志以上見存公廨

北洋機器局俗稱東局在東郊賈家沽道旁同治

五年總理各國事務衙門奏准在天津設局仿製

外洋機器六年通商大臣崇厚委員舉辦九年北

洋大臣直隸總督李鴻章奉

旨斟酌節次開拓至光緒二年規模大備有興造記檔案

天津機器局記天津機器局經始於同治丁卯

季夏訖光緒丙子仲秋凡十稔戊戌工度器積材儲

械之所規模於是大備初度地城東十八里曰賈

家沽道者得田二十二頃有奇釐為局基環西南

北皆民疇東界小河而止厥後踰河而東拓地四

頃其三隅拓地七頃畫為牆址內墉外濠崇雉屹

若延袤千有五百餘丈其間巨棟層櫺廣場列廠

池邇相屬參錯相望東則帆檣沓來水柵啟閉西

則輪車轉運鐵轍縱橫城堞砲臺之制并渠屋舍

之觀與天津郡城遙遙相峙隱然海疆一重鎮焉

文華殿大學士一等肅毅伯李鴻章昔在江南首

開局於上海同時通商大臣崇厚亦創之於天津

會崇厚奉使海外李鴻章以直隸總督駐節天津

復遴員領局節次規建擴其舊而增其新中國之

有機器局自此始崇厚凡為機器廠者一火藥廠

者八銅帽廠者二又分局於城南海光寺為鐵廠

者一廠一而事八比屋而棲各從其類其他治事

之廨休匠之舍西洋工師之居凡三百楹為公所

者二為庫者五時則今工部侍郎德椿實贊成之

庚午冬今九江道沈保靖來主局事益碾藥為四

廠撤海光寺分局而別為鑄鐵廠一錘鐵廠一鋸木廠一機器又別為新廠而移其舊為洋鎗廠迨船政大臣吳贊誠至局復折銅帽廠為槍子廠而別為藥餅廠一鋸水廠一又擇蒲口地為三藥庫直隸候補道劉汝翼繼主局始為牆濠俾有藩衛又於銅帽廠之南為捲銅廠河之東隅別為電氣水雷局此機器局興造之始末也

行營製造局在南郭海光寺旁俗稱南局

檔案

浙江海運局在東門外南斜街原係蘆商姜姓宅

同治六年浙江糧道英樸建

縣志

軍械總局在南門內東城根同治九年總督兼北洋大臣李初統淮軍至津立有行營軍械所旋以北洋經辦海防廣置船礮所有水陸馬步各營需

用軍器悉歸儲存支發因改名曰北洋軍械總局

續於光緒二年建西沽藥庫於西沽信家臺光緒

十二年建大沽藥庫於大沽各名曰軍械分局統

歸總局兼轄

檔案

海防營務處同治九年閏十月總督兼北洋大臣

李設東門內大街官房

籌賑總局同治十年總督兼北洋大臣李以天津

地方雨水過大河流泛濫海潮倒灌以致漫溢數

口西南數百里間盡被淹浸田廬沖坍已成巨災

奏請籌捐急撫並截留江浙漕米奉省粟米以資

接濟於是先行率屬倡捐並勸諭紳商廣集捐資
次第籌辦郵政因設立籌賑總局於東門內問津
行館其後濱河州縣或有水災加以河隄潰決修
築頻煩工賑並興悉資捐款乃奏開順直賑捐事
例各省紳商好義者爭相募助三十年來地方賴
以安集局今移於倉廩官房

蒲口藥庫在北城外三十六里蒲溝汛俗名蒲口

同治十一年購買民地五十九畝有奇建庫三座

環以牆濠又建駐守弁兵房屋十間

每座長十丈六尺四寸寬二丈四尺臺高五尺簷
高一丈三尺中間圍牆長二十七丈八尺四寸外

火藥庫圖說
藥庫共三座

圍牆長七十四丈八尺環以深濠中設弔橋凡藥
庫造法悉仿洋式庫屋內外不見分寸之鐵柁樑
包鐵則以木冒之地板用釘則以木陷之鐵與木
摩戛則能生火不見鐵所以避火也庫之前簷下
為小方窗七中為木櫺內安銅網所以避蟲鳥也
木櫺外為兩板包以銅片可穿可閉所以避雨雪
也庫每座約屋九間每間為氣洞二處一在地板
上一在地板下如北方之坑牆內為煙通者然所以
前後簷下如北方之坑牆內為煙通者然所以洩
潮溼也簷下氣洞口亦安銅網所以避鳥之為巢
其中防窒塞也每庫左右安銅網所以避鳥之為巢
火藥積聚之處電火下射與藥性相感則能自熟
西人之為電學者知銅尖能收電故於桿之頂安
銅尖形如鹿角承以銅條下貫銅絲至入地見水
而止所以避雷電也銅絲之扶於木桿者以磁管
隔之防雷火之不直走入地慎之又慎者也今仿
之俱

江蘇海運局在東門外開口同治十一年四月建

海運既成定制浙江先設局於此江蘇繼之時督糧道爲滿洲英樸

采訪冊

招商局在紫竹林英界內同治十二年二月建先是南北洋大臣以通商各國輪船出入江海華民生計日耗乃集官商股本購備輪船徧行江海口岸各設分局而自南洋逮於北洋以江浙兩省海運漕糧爲大宗於是並英商太古怡和稱三公司

云

檔案

吳楚公所同治十二年三月建坐落河北大王廟東首時曾文正公專祠落成北洋大臣總督李以

旁多隙地兼餘木石工料就建吳楚公所爲迎賓往來之館歲修諸事並歸曾文正祠內由津海關道歲籌五百金支銷近俱歸工程局經營

海防支應總局光緒元年議創海防各直省撥定南北兩洋經費分次解收北洋重要於時總督兼北洋大臣李因設支應總局於運使署內凡海軍水師及馬步諸軍製造轉運各局關於海防需用款目皆歸收支歲終奏銷各部悉歸造報

大沽船塢光緒五年北洋大臣李以天津海防重地時有兵輪駐守議建船塢以爲歲修之地飭稅

重刊天津府志 卷二十四 公廨 二
務司洋員德瑾琳於大沽口內海神廟前購買民地仿照西法辦理逾年告成遂派專員總理其事守望局光緒五年署天津道盛宣懷以天津向設鄉約局巡緝地方甚有裨益究屬紳民自辦事權稍輕詳請設立守望局派撥文武員弁兵勇分段巡查由天津道委知府一員總司其事與鄉約局相輔而行入冬夜警尤重賴以少安總局就南門內湧泉寺前院內增建公堂分局二十處各設於城廂分段界內

官電報局光緒六年總督兼北洋大臣李奏准設

立陸路電綫由天津循運河至揚州越長江以達鎮江訖上海止計長三千餘里與外國通綫相接傳遞各報當於十一月內設立總局於東門內問津行館別設商局於紫竹林法租界官商兩局分司各處電報

水師學堂光緒七年三月總督兼北洋大臣李奏

建水師學堂於機器局內

原奏再中國駕駛兵輪船學堂創自福建船政

北洋前購蚊船所需管駕大副二副管理輪機砲位人員皆借才於閩省往返咨調動需時日且南北水土異宜亦須就地作養人才以備異日之用北洋現籌添購碰快鐵甲等船需人正眾臣於去年十月奏明擬設練船選募北省丁壯素諳風濤者上船練習尤必以學堂為根本乃可逐漸造就

取資不窮應就天津機器局度地建設水師學堂
俟落成後參酌西國成規揀派監督教習招考學
生入堂肄業逐漸練習惟事體繁重造端不易須
有明練大員專意督率實力經營查前任船政大
臣光祿寺卿吳贊誠洞悉機宜條理精詳曾在天
津機器局辦理有年熟諳情形擬令督同局員籌
辦水師學堂練船事宜兼督機器製造認真整頓
以免貽誤所有一切用款均由海防經費內核實
開支謹附
片具陳

官書局未建官房設在城東南水月菴內光緒七
年直隸總督李鴻章飭備成本購運各省新刊書
籍設局照本發售俾北方寒士增廣學識經運使
如山在運庫領告雜費項下籌備銀五千兩海防
支應局籌備銀五千兩以作購書成本

朝鮮公所光緒八年奏定中國朝鮮商民水路貿
易章程准朝鮮遴派大員駐紮天津經理商務九
年七月由津海關道代爲擇地建館因於風神廟
下牌汊沿河官地修蓋公所一區適當郡城紫竹
林通道之中其工料各費均由朝鮮自行籌備
工程總局光緒九年津海關道周馥議以天津爲
北洋通商總匯之區商賈輻輳舟車絡繹而地勢
低窪街道偏窄行旅居民均苦不便沿河泊岸傾
圯官民船隻起卸皆形艱阻擬仿照上海籌防捐
辦法在新關抽收華商碼頭捐修築道路詳請總

督兼北洋大臣李立工程局未建官房設於三岔河下玉皇閣內專司其事於是起自紫竹林租界上至天津四城內外直街橫巷一律修治或築碎石或砌條石逐漸而北至入京道路爲止逐段設有兵夫日夕梭逐均照租界章程辦理歲修經費官商籌捐而外則有東洋車捐爲一大宗東洋車制價極廉供客極便貧民恃此爲生增益日多勢將擁擠滋事因收月捐以示限制每車每月赴局繳津錢一千給領牌照後復減至津錢五百各段亦有分局

水師營務處
海軍公所

光緒九年十一月北洋大臣李飭津海關道於紫竹林法租界內建造公所所以備中外公宴會議之區時值創辦海軍水師兼爲營務公所以候補道員總司其事設有繙譯各官其房舍參用洋式凡百四十餘間

官車局未建官房設在西門外僧忠親王祠內光緒十年六月天津道劉樹堂以津郡差務繁重每遇陸路官差由行頭承辦苛索往來商旅遂藉津貼辦公爲名擾累甚重議仿官船局章程派員設局經理其事將車行名目永遠革除凡往來公差

由局備雇車馬酌中定價不得私行派拿比立章程五條詳請總督北洋大臣李照准設局並設五分卡於南北通路抽收往來民商車輛津貼錢文給予憑照注明一定款目以資局用

官船局總局設在北門外茶店口火神廟內未建官房分局一在紅橋建有官房六間一在楊柳青其章程詳權稅內又有槽船捐局亦歸總局兼轄其分局一在紅橋一在陳家溝

武備學堂在唐家口柳墅舊址光緒十二年八月奏建時海防練軍練習洋操特於各軍調取少壯

材武之士入堂學習洋語洋文並算學陣式以備異日將領之選約百二十人爲率延西人爲教習嗣後京旗子弟亦派送入堂分班習練規模益宏由北洋大臣委道員總司其事

電報學堂光緒六年北洋創設電綫後開招電報學生以備更代初在扒頭街賃屋爲堂後於十二年九月建學堂於紫竹林法租界

鐵路官局光緒十七年三月建坐落法租界先是開平煤礦旣成商建鐵路以便轉運當於光緒十三年二月設商局於紅樓後嗣經總理各國事務

衙門奏建鐵路官局歸併辦理續又接辦山海關外復分官商兩局各自經理後又歸併為一查原路之議歷有年所毀譽紛紛莫衷一是臣奕譞向亦習聞陳二元常持偏論自經前歲戰事復親歷北洋海口始悉局外空談與局中實濟判然兩途當與臣李鴻章臣善慶巡閱之際屢經講求臣奕譞管理各國事務見聞親切思補時艱臣曾紀澤出使八年親見西洋各國輪車鐵路於調兵運餉利商便民諸大端為益甚多而於邊疆之防務小民之生計實無危險窒礙之處近在總理各國事務衙門行走於此事更加留意探詢所聞相同現在會同酌核華洋規制自古不同鐵路利益雖多若如外洋之徧地安設縱橫如織不惟經費難籌抑亦成何景象至調兵運械貴在便捷自當擇要而圖未可執一而論正商權間據天津司道營員聯銜稟稱直隸海岸互七百里雖多淺灘沙礫然小舟可處處登岸輪船可以泊岸之處除大沽北塘兩口外其餘山海關至洋河口一帶沿岸百數

十里無不水深浪闊大沽口距山海關約五百餘里夏秋海濱水阻泥淖砲車日行不過二三十里且有旱道之處猝然有警深虞緩不濟急且南北防營太遠勢難隨機援應不得不擇要害各宿重兵先據所必爭之地以張閩外之威然近畿海岸自大沽北塘迤北五百餘里之間防營太少究嫌空虛如有鐵路相通遇警則朝發夕至屯一路之兵能抵數路之用而養兵之費亦因之節省今開平礦務局於光緒七年創造鐵路二十五里後因兵船運煤不便復接造鐵路六十五里南抵薊河上閩莊為止此即北塘至山海關中段之路運兵必經之地若將此鐵路南接至大沽北岸北接至山海關則提督周盛波所部盛字軍萬人在此數十里間馳騁援應不啻數萬人之用若慮工程浩大集資不易請將閩莊至大沽北岸八十里鐵路先行接造再將由大沽至天津百餘里之鐵路逐漸興辦若能集款百餘萬兩自可分起告成津沽鐵路辦妥再將開平過北至山海關之路接續籌辦此等有關海防要工即或商股一時不能多集似應官為籌措並調兵勇幫同工作以期速成且

北洋兵船用煤全恃開平礦產尤為水師命脈所繫開平鐵路若接至大沽北岸則出礦之煤半日可上兵船若將鐵路由大沽接至天津商人運貨最便可收取洋商運貨之資藉充養鐵路之費如蒙

允准擬歸開平鐵路公司一手經理以期價廉工省並請派公正大員主持其事等情會稟前來臣等查該司道營員等所請由閭莊接修鐵路至大沽北岸八十餘里均在大沽北塘之後距海岸尚數十里實無失險之慮惟須籌出養路經費庶可持久所請由大沽至天津百餘里之鐵路逐漸興造足為挹注良法於軍旅商賈兩有裨益平日藉資捍衛遇事便於援應即戰陣偶不得力祇須收回輪車拆斷鐵路埋伏火器自不慮其衝突臣等公同商酌擬請照依該司道營屬各員所請舉辦仍交開平鐵路公司一手經理並擬派北洋差委前福建布政使沈葆靖署長蘆鹽運使直隸津海關道周馥督率官商妥為辦理計今夏英德兩國訂造戰船可以來華臣奕譞明年當再赴海口與臣李鴻章等議立海軍第一枝即就便查看鐵路設能

合用無弊擬將京外開礦各處均次第仿照興辦等為因時制宜變通盡利起見是否有當謹恭摺具陳

海防公所光緒十八年北洋海防事務次第舉辦議建公所以備會集文自在津司道武自淮練統將合力籌貲擇於新浮橋東北窰窪建成其時准將公捐至十三萬金復議增建淮軍昭忠祠於內以祀淮軍積勞病故諸將士歲修經費則於附近別建市屋出賃取租二十一年工役粗竣詳請北洋大臣衙門立案

北洋大學堂在海河南岸梁家園南光緒二十一

年八月奏建初前津海關道周馥議設博文書院
會講中西之學購置地基一區旋以經費不足中
止今太常寺少卿盛宣懷任關道時乃請於北洋
大臣總督王就原基捐建學堂一所招考頭等二
等學生並延中西積學之士分班教習章程畧仿
西法長年經費約五萬金有奇由海口煤稅米麥
稅及招商電報兩局捐款濟用不領公帑

俱同上
各官
局所

集賢書院在天津三岔河口水師營東光緒十二
年運使季邦楨津海關道周馥天津道萬培因會

詳總督兼鹽政稱津門地當孔道冠蓋雲集凡隨
任子弟與夫幕友僑寓者宜加培植俾成有用之
材擬創建書院一區顏曰集賢為外省舉貢生監
肄業之所每月兩課於制藝試帖外兼課經文經
解策論並詩賦駢散雜文以及天文算學時務每
年除正臘兩月停課外由督院運司關道天津道
各課兩月天津府縣各課一月輪應何署主課即
由何署籌發獎銀其建造經費由籍隸外省各官
集捐建成經始案卷存工程局

按凡書院宜歸學校彙載茲特考試

外省士人不入府學因與會館等
為各省公舉附局所後 采訪冊

浙江會館光緒十三年三月重建在東門內戶部

街詳見寺觀考鄉祠下

閩粵會館乾隆乙巳年 月建造在針市街

山西會館嘉慶戊辰年九月建造在鍋店街

延邵公所同治元年置光緒十二年二月建造在

北閣裏

濟甯會館同治四年八月建造在肉市口內西雜

糧店街

懷慶會館光緒丙子年三月建造在曲店街

江蘇會館光緒十九年八月建造在東門內經司

衙衙後俱同上以

上各省公舉

鈔關公署在戶部街前大門儀門大堂二堂三堂

後樓凡六層左右廂房耳房關房土地祠書役各

房共計八十間而監放船隻曰收錢糧則在河北

甘露寺之東偏設有官廳本關稅口凡十有二曰

苑口曰東安曰三河曰王擺曰張灣曰河西務曰

楊村曰蒙蔡村曰永清曰獨流曰海下曰楊家坨

又稽查之口凡七曰西沽曰東沽曰西馬頭曰東

馬頭曰楊柳青曰稍直口曰三岔河

前志 案今 戶部街署址

無存惟尚有土地廟俗亦稱鴿子集尙可推查耳河北關廳則如故

海防清軍同知公署在大儀門西係入官房改建
 大門三間儀門三間角門三間大堂三間二堂三
 間住房三間廂房七間下房三間廚房三間科房
 班房七間廂房六間馬棚三間馬夫房一間更夫
 房一間案此因雍乾間舊署讓作道署而別建者後還舊署此遂曠廢今已無蹟據舊圖約在府署城守營之間
 水師營都統公署在蘆家嘴新城雍正五年建照
 牆轅門鼓吹棚大門儀門官廳廡廡大堂二堂住
 宅共七十六間 協領六員衙署各十八間 佐
 領三十二員衙署各十五間 防禦三十二員衙

署各八間 驍騎校三十二員衙署各六間筆帖
 式三員衙署各三間領催一百二十八名前鋒一
 百名披甲一千七百七十二名房各二間砲甲一
 百四十四名房宇間數未詳 理事同知公署共
 二十二間又獄房六間 原建教習頭等侍衛蔡
 勇衙署共十八間 原建教習林全衙署共十五
 間今收貯兵器 火攻營一座 雍正六年設製
 造水旱火藥瓦房十二間土房十二間俱同上
 批驗所在東門外 鹽關在河東鹽 稅課司在
 督漕亭在河北 乾隆三年知縣朱奎揚詳請
 外稅館東

重修

河間府志及衛志所載公署有明天津兵備道署

在天津衛城西北 戶部管倉分司署 在三清

隅兵道施榮建 明嘉靖四十四年屯田御史秦嘉楫題奏

軍廳署 添設河間府管馬廳通判駐劄本衛問理

兵司詞訟後 天津衛署 在城內兵道司東南明

改清軍同知 永樂三年指揮倪興建

成化二十年指揮倪 經厯司署 鎮撫司署

雄鎮撫蕭勇俱重修 預備倉 本衛西 天津

左右中前後千戶所署 預備倉 廂房 天津

左衛署 在天津衛東明永樂年指揮袁 經厯司

署 鎮撫司署 左右中前後千戶所署 預備

倉 本衛 天津右衛署 在天津衛西明永樂四年

後 指揮楊運建成化二十年

指揮呂 經厯司署 鎮撫司署 左右中前後

昂重修 預備倉 本衛 都察院署 明萬厯十

千戶所署 巡撫汪應蛟視 察院署 在天津 海防營 在葛

師海上創建 神機庫 在清軍廳衙西大 監所 在

萬厯間因 倭警建 養濟院 在衛城外東南角龍王廟

營西東羈 候所西監 天津衛中所燒造官窰五座 在馬 左所燒造官

窰五座 在馬 右所燒造官窰五座 在西門外三

基址 冰窖三所 俱同上 以上廢署遺址 案

猶存 尚有遺迹餘皆渺茫而尤可異者莫如道署考天

前志所紀人地亦皆分明因節錄其前幅於此明
 李旻公署記節錄宏治辛亥用廷臣議始於山東
 按察員外置副使以璽書命之使整飭兵備於畿
 內之天津去京師二百餘里地連大海當南北往
 來之要衝故為三衛指揮使各分兵屯田同處一
 城不相統屬置憲職以統治之其始得蜀人劉君
 福次則陳君謨金君獻民皆寄治天津衛司即其
 廳事蒞事焉劉君既為四門麗譙以為法當有分
 司而寄治非直方經營適遷去不果為也繼今而
 得黃巖施君槃君以甲辰進士為刑部正郎遷河
 間太守自河間復有茲擢既至踰三載政成而上
 下信之乃行相地得城之西北隅壤土平爽面陽
 負陰樹表步方廣表宜稱遂以狀請於巡撫王都
 憲用商稅餘銀之在司者市其地凡材木瓦甍
 工廩之費皆取給焉又案西北隅之西字或東
 之誤蓋鼎革不易官必不易署他時更無論矣

青縣

龍亭在廣福樓村康熙三十九年以子牙河工成建

前志

縣署在縣城內正北舊清州署在衛河西岸去城

一里明洪武間知州李敬建改州為縣後隆慶二

年知縣李鎬移建城內即今地上

國朝乾隆九年知縣周碩勳二十八年知縣陳如謙

各修三十三年燬知縣趙士傑重修嘉慶四年知

縣孫宗椿重葺縣志道光九年知縣汪 十八年知

縣羅珍二十五年知縣單偉志二十六年知縣鄧

椿林相繼修葺咸豐五年知縣錢槩同治五年知

縣劉彥三先後重修光緒元年知縣江貢琛請帑

籌款重新建造馬號舊在署西今在署東

教諭署在學東

訓導署在教諭署後

主簿署在縣治東

巡檢署一在興濟鎮一在杜林鎮乾隆六年建

典史署在縣治內

俱同上

靜海縣

縣署在縣城內西北隅明永樂元年知縣崔衍創

建宣德九年知縣劉弁重修

前志

國朝咸豐九年知縣鄧春林修葺

縣志

教諭署在學後咸豐三年燬

訓導署在南門內池西

管河主簿署在縣城北角係僦民舍舊在縣治東

久廢

巡檢署在縣城北獨流鎮

典史署在縣治內池東監獄在縣治大門內西隅

同治十年重修

俱同上

滄州

州署在州城內東北明天順六年知州賈忠創建

正德十四年知州邵紀重建

前志

嘉靖十三年知州

重修天津府志 卷二十四 公廨 三
吳成禮萬曆十四年知州張與行各重修

國朝雍正十一年知州董思任乾隆四年知州陸福

宜七年知州徐時作先後修葺咸豐三年燬光緒

五年知州袁遂籌款修建復舊

州志稿

長蘆批驗所大使署在州西門外撥夫廠臨河右

毘盧菴左蕭曹廟康熙十一年重建共房十六間

嚴鎮場大使署在州城東北九十里同居鎮

管河州判署在州治內池西順治十七年州判于

崩重建後燬道光十二年州判任元購張氏宅爲

署今因之

巡檢署一在風化店一在李村一在孟村

吏目署舊在州署東乾隆間移州判署東咸豐三

年燬光緒 年復建

磚河營游擊署在城南十八里衛河東岸

邢口營守備署在城東北六十里道光二十三年

建今廢

城守尉署在西門大街東西廣十五丈南北長三

十一丈瓦土房共四十五間

正白旗滿洲防禦署 驍騎校署 蒙古防禦署

驍騎校署在西門內路北 鑲白旗滿洲防禦

筆帖式署 驍騎校筆帖式署均在北門內路東

蒙古防禦署在東門內南隅 驍騎校署在北

門內路西 滿洲筆帖式署在北門內路西 火

藥庫在城內東南隅天齊廟之西雍正十三年建

俱同上

南皮縣

縣署在縣城內西街明永樂元年知縣高崑建二

十二年知縣張麟萬歷二十四年知縣李正華崇

禎四年知縣藍再茂先後重修

前志

國朝光緒十三年知縣傅培基重修

縣志

教諭署在明倫堂後

訓導署在明倫堂東

管河主簿署

典史署在縣治內

俱同上

鹽山縣

縣署在縣城內正中明洪武九年建

前志

嘉靖三年

知縣張思溫萬歷十年知縣許言詩崇禎十三年

知縣李雲程先後修葺

本朝康熙五年知縣朱鸞鷲及以後知縣熊士晉王

茂忠任宏業道光閒知縣朱希賢王烜胡浚之咸

豐七年知縣李景沆各重修縣志

教諭署在學東咸豐三年修

訓導署在學西

巡檢署一在舊縣鎮一在羊兒莊

海豐場大使署在羊兒莊

典史署在縣治南大街舊在縣治儀門東後移管

馬廳舊署久圯復移今地道光三年典史吳夢賚

修建俱同上

慶雲縣

縣署在縣城東門內明洪武六年知縣楊思義創

建正統三年知縣王恭重修

明高祥記節錄慶雲縣治初建於洪武六年

年楊君思義實為之迄今兩淋風駛圯壞不支望之壘壘若積薪然正統改元洪門王侯來宰是邑一見歎息曰修廢舉墜有司職也傾圯如此責將誰諉乎搜籬捐廩庀材鳩工亟圖修之遂請於撫按部使諸公皆報曰可爰因舊址大加修葺頽者起之缺者補之卑陋者或廣擴之縣治中央為正堂五間前為儀門東西為吏房各五間又東為縣丞宅西為典史宅稍南為吏私舍共六十餘間正堂後為燕息堂三間又後為知縣宅一十餘間儀門之外為大門三間東為神廟西為監獄儲積有樓預備有倉共十二間崇卑廣狹悉遵定制落成之日賓僚咸集哦松劉君等稱觴屬余記侯之績侯名恭由鄉貢進士筮仕今職仁心仁政為當道薦嘉今日之功其善政之一也因以紀之正統二年八月立石

正德六年燬七年知縣蔡維藩重建嘉靖閒知縣

李宋萬歷閒知縣薛居方崇禎閒知縣宣廷式王
祚各有建修

本朝康熙閒知縣盧元培胡一蛟李居一雍正十年

知縣李炳生重修大堂

前志

嘉慶八年知縣柯映伊

十四年知縣潘國詔道光十四年知縣平祿二十

四年知縣李輝曾先後修葺

縣志

教諭署在學東北

訓導署在學西北

典史署在縣治內迤東監獄在縣治大門內迤西

俱同上

租界

按各國訂約通商均准於口岸地方租地起

早均有租界與各口情形無別其租界內法制禁

令一依西例惟津海關道派員川駐與領事官會

辦彈壓稽查各事

附英國重修新約五十六款節錄二款

咸豐八年五月十六日即英國一千八百五十八

年六月二十六日在天津議定通商約章類纂

按英吉利國在歐羅巴州西北海中康熙閒始

來通市後數年不復來雍正七年以後互市不絕

乾隆五十八年嘉慶二十一年均遣使來貢方物

道光二十二年江甯議定和約十三條至是乃

換新約第一款廣州廈門甯波上海
五處已有江甯條約舊准通商外即在牛莊登州
臺灣潮州瓊州等府城口嗣後皆准英商亦可任
意與無論何人買賣船貨隨時往來至於聽便居
住賃房買屋租地起造禮拜堂醫院墳塋等事並
另有取益防損諸節悉照已通商五口無異第
十二款一英國國民人在各口並各地方意欲租地
蓋屋設立棧房禮拜堂醫院墳墓均按民價照給

公平定議不得互相勒指 英國續增條約九款
 節錄第一款 咸豐十年九月十一日即英國一千
 八百六十年十月二十四日在京都議定 第四
 款一續增條約畫押之日 天津郡城海口作為通商之埠
 大清大皇帝允以天津郡城海口均照經准各條所
 凡有英民人等至此居住貿易均照經准各條所
 開各口章程比例畫一無別 法國和約四十二
 款節錄第一款 咸豐八年五月十六日即法國一
 千八百五十八年六月二十六日在天津議定
 按法蘭西國在歐羅巴洲西南沿海互市於明季
 後禁止順治四年奏准仍通市自是不絕 第十
 款凡大法國人按照第六款至通商各口地方居
 住無論人數多寡聽其租賃房屋及行棧存貨或
 租地自行建屋進行大法國人亦一體可以建造
 禮拜堂醫院周急院學房墳地各項地方官會
 同領事官酌議定大法國人宜居住宜建造之地
 凡地租房租多寡之處彼此在事務須按照地方
 價值定議中國官阻止內地民人高擡租值大
 國領事官亦謹防本國人強壓迫受租值在各口
 地方凡大法國人房屋間數地段寬廣不必議立

限制俾大法國人相宜獲益儻有中國人將大法
 國禮拜堂墳地觸犯毀壞地方官照例嚴拘重懲
 月十二日即法國一千八百六十年十月二十五
 日在京都議定 第七款 從兩國大臣畫押蓋印
 之日起直隸省之天津府 為始立即施行 無異
 再此續約均應自畫押之日 無論法國何人願
 津紫竹林法國租地 呈明領事官與地方官查指要租
 租地若干必須呈明領事官與地方官查指要租
 地基何處量地畝若干 一本大臣與領事官已經
 揀選法國人等可租地 畝界內地基每畝若在河
 沿地一塊應付原租 錢每畝該地銀六十兩其價
 一半三十兩領事官自己應付該地原主親手收
 訖取具收字再領事官存收領事官署以爲
 將來該地法國商人可租地 界上修造道路溝渠
 橋梁埠頭等處工程並巡查衙役工食但法國人
 願租後面之地塊不在河沿近處租地價錢只須
 銀三十兩給原主 一法國商人等願租地基若
 願租地塊之上有房屋 該房屋居住本地地居人每
 戶要收搬費銀一十兩至於法國可租地界內
 重修天津府志 卷二十四 光緒戊戌

有民戶數目均照天津縣知縣送呈哥大臣所具
戶數底冊辦理言明該地界內有九十二戶不得
再行添出其搬費銀一應由領事官確付該搬戶親
手收訖取具收字每名若願租地一畝租價及搬費
外還須法國商人每名若願租地一畝租價及搬費
民房屋即應價買原屋其價值均照天津縣呈冊
內各戶下開明每屋每間應付價若干現茲本冊
臣與哥大臣言明該可租地界內計共灰瓦草
房三百十五間半草棚九間三條廠棚十二間半
間又四半間二條過道草棚八間半三條共估計
大錢三千零七十九吊日後照數不得再估計
必由領事官付原主親手收訖取具收字一本
大臣與哥大臣現在言明自今以後法國商人可
租地界內除呈冊開明已有房屋外其餘地不得再
多惟一時未有多商即能租盡界內之地其地商
上不准該地居民另蓋新屋未界內不情但日後商
人租地遇有房屋不載原呈冊免不情但日後商
得給付房價如空地一般呈冊內免不情但日後商
界內每戶自在領事官處領收地畝價錢房價錢
搬費錢之後均應准一月以內搬清地方官應將

重刊天津府志卷二十四 公麻 送呈哥大臣所具

該商所租地一塊量明送交任憑蓋屋居住等情
一該地界內法國商人每行可租之地只可租
得一塊橫直不得過二十五畝以外應即具情呈明領事官
須需地在二十五畝以外應即具情呈明領事官
會同本大臣查考清楚係何緣由如實情相符合
方與照辦一法國商人願租之地辦妥後所定
界牆外前面去河沿應留地三丈後面留地二丈
五尺以爲公共道路不得稍逾越一法國商人
人可租地界內若有墳墓法商不得自己移動應
照舊存留但該墳如有墳墓法商不得自己移動應
法國商人應給葬費銀每棺一兩一己起遷改葬
縣開呈房屋數目姓名底冊應爲日後憑據本大
臣與哥大臣俱經畫押並即鈐印存收領事官署
內每年一法國商人每名租地於每年十二月十五
日將來年應付租錢照數送領事官收存其錢一
半即係每一千之數領事官全數送地方官入官
再一半留在署內爲將來修造道路溝渠橋梁埠
頭等工程並巡查衙役工食一法國商人每名
租地以後領事官立即照會本大臣以便寫立永遠

重刊天津府志卷二十四 光緒戊戌

租契開明姓名何人租地多少價錢若干房價若干並搬費錢以及每年照完何數詳細開載付該商承遠為據以上十二款崇大臣與哥大臣商量定議當即繕寫四紙畫押用印一存總理衙門一存駐京法公使署一存三口通商大臣衙門一存法國領事官署以為永遠憑據咸豐十一年四月俱同上

英界東至海河西至海大道南至招商局東棧北至法界毗連計共四百四十畝每年應完制錢一千五百文由英領事移交天津縣收抵地賦

檔案

法界東至海河西至紫竹林大街牌坊南至英界毗連北至海河計共 畝每畝每年應完制錢一

千文由法領事移交天津縣收抵地賦同上

廢廨遺址案公廨既別立一門不應以此入古蹟初稿之誤在郡治者先經改歸粹未思

及外州縣亦間有之逮見而此卷刻成不能分載只得彙補於末簿書期會無望整暇從可知矣

察院一在城內知縣潘榛建一在城外知縣聶世

潤建青縣志

稅課局在縣北獨流鎮靜海縣志

察院一在縣治北一在縣治南

府館在縣治東俱同上

察院在州治東南前志

滄州舊有管河廳管馬廳清軍廳遞運所撥夫廠

稅課司巡檢司守禦所東察院太僕行寺官廳府

館預備倉通濟廠演武場等廨宇俱廢又長蘆鹽

法志稱運使公署向在滄州新城內西南隅臨南

薰門左接察院康熙十六年移天津俱同上

察院在縣東北明宣德元年知縣張麟建又正德

元年知縣張偉重修 府館在縣治東北明弘治

十二年通判何俊勅造南皮縣志

察院在縣治東大街今地鹽山縣志

察院在縣南慶雲縣志

後附一頁

卷二十四終

道署續考

前志創時道署方讓作河院而徙居於分府兩不
詳其創始未免疏略將明李氏建署記別載藝文
中各不相應也嗣創縣志於公署卷末彙載河間
府志衛志舊廨首以道署注云在衛城西北隅兵
道施槃建此注想即本於李記欲求詳而反滋疑
誤如徐主政初稿古蹟門廢署類之首大書明兵
備署在城西北隅副使施槃建注本縣志綴以李
記此即鍾陸馳繆將遺誤至不可究詰者先見其
非而研究之鼎革之時既不易官必不易署一也
他時更無無端易署之理二也果有更易何無紀
載流傳三也設有廢署則當讓作河院時何不用
遺址而俯就分府四也由此四端詳察可信必無
兩署李記中云西北隅者當為東北隅之譌耳前
志校讐不精縣志間有救正可依無如此記文竟
無異是終患無徵不信所以先於廢署遺址之未
錄李記但略存鄙說而不敢必也耿耿不釋於心
今因覆校職官迄明見戶部分司下云宣德間增
置三倉俱在天津道衙門西三倉乃今縣署得此
而在先之鄙見乃無復可疑使早得之則可直書

於道署下錄李記而辯其因譌一字致縣志誤岐
惜先刻成無及矣或尚謂道署在東大街中不應
稱隅不知此非可以今形泥也學校內舊記未修
之前水瀦蘆茂席板以度在今安所得此而昔固
荒涼歷歷蓋民居未有今日之半聚處中央無惑
乎稍偏者即稱為隅矣爰附續考於卷尾以諗來
者

重修天津府志卷二十五

考十六

輿地七

寺觀

天津縣

海光寺 在南門外康熙四十五年建初名普陀

寺五十八年

賜廟額曰敕賜海光寺

賜正殿額曰隨處潮音

賜正殿聯曰水月應從空法相天花故落映星龕

前志宋師會海

光寺賦序節錄海光寺者湘公上人所住持也歲
在丙戌天津總鎮藍公開水田於南門外創普陀

寺延上人爲方丈主於時大殿未完閣甫立柱席未煖而藍公陞任於閩工程中止上人以機緣未至冷坐一室者十年丙申余備員運使閒過其地憫其日頽月廢始爲之建山門完大閣戊戌爲之築墻垣謀廊廡已亥爲之開河取土以崇寺基恭遇

駕幸西淀上人以扁舟迎謁奏對稱

旨賜紫額於是直隸制府趙公守道李公津道朱公分

聖心踴躍抒誠鳩工卜日不終歲而凡叢林所應建者無

不備舉金碧輝煌規模鉅麗天下皆知有海光寺焉辛丑啟建道場奉有鹽法道瞻禮之

旨九十日勝事彌天懽聲動地余就寺之所有

目之所見作一賦以鋪揚太平之盛 乾隆閒

賜正殿額曰普門慧鏡

賜正殿聯曰覺岸正光明如水如月法流大自在非色非

空

賜正殿聯曰覺岸正光明如水如月法流大自在非色非

空

賜寺內

御書樓聯曰春物薰馨含慧業名禽宛轉入聞思

賜寺內大士樓聯曰不生波處心恆定大寂光天相總融

賜寺內後樓聯曰歡喜白毫光妙明合印莊嚴香水海安

隱同參有

御製詩石刻 恭載卷四嘉慶閒

賜正殿額曰慈照圓窳

賜正殿聯曰法相總持通海會性空無盡發天光 縣志

孤雲寺 在城外舊名白廟康熙四十八年

賜寺額曰孤雲寺 前志

般若菴 在城西梁家嘴康熙閒

賜額

賜聯

蔡啟盛案此菴僅見縣志且云有

仁皇帝賜聯額而查其恭紀

天章中又失載今詣訪見

御筆額為清素二字楹聯則已無矣

望海寺 在城外河北岸前志乾隆元年巡鹽御史

三保題請重修

賜正殿額曰瀛壖慈蔭

賜正殿聯曰普度指通津慈航示喜真如參覺海法界超

塵

賜後殿額曰海藏持輪

賜後殿聯曰證彼岸恆沙視茲喻筏滙眾流一滴笑與拈

花有

御製詩石刻

恭載卷四

嘉慶閒

賜正殿額曰鏡流法喜

賜正殿聯曰滴水悟三乘妙參筏寶大瀛收一覽慧徹珠

圓縣志

崇禱觀

在望海寺旁

采訪冊

乾隆閒

御書廟額曰敕賜崇禱觀

御書正殿聯曰詆蕩玉閭開監觀有赫穆清香案仰廣運

無為有

御書崇禧觀三字碑有

御製詩石刻

恭載卷四

嘉慶間

御書正殿額曰高穹咫尺

御書正殿聯曰閭闔啟通明氣調玉燭鴻濛肇宗動瑞應

璣衡

縣志

福祐祠

在水師營新城乾隆間

賜正殿額曰雲海香臺

賜祠內水母殿額曰資生廣潤

賜祠內關帝殿額曰神昭赫濯

賜祠內關帝殿聯曰凜正氣浩然準茲溟渤式靈威儼若

壯我干城

通真道人祠 在院署大樓後同治八年

賜額曰玉清福祐

俱同上

大佛寺 一在大沽水師營雍正七年水師營都

統拉錫奏建

前志

一在東門外河東明崇禎二年

重建

湧泉寺

一在南門內

一在大直沽

一在小

直沽明宣宗征樂安州渡此賜金幡二正統十年

漕運參將湯節重建

俱同上

明程敏政重修天津湧泉寺記我文廟入靖內

難自小直沽渡蹕而南名其地曰天津置三衛以
守則永樂甲申也都北以來兵備加嚴地重事殷
無所責成乃弘治辛亥置按察副使一人奉璽書
專理置司天津巴渝劉公首被推擇而來適百度
之弛也久公悉厥心以次修舉爰先事城櫓次及
閱武場次及學宮不三四年皆告厥成以每年
聖旦令節及元會長至四大禮必先習儀於所謂
湧泉寺者寺止舊堂十有二楹卑陋弗稱且其前
地狹容僅百人講肄禮文多不能如式方岳入覲
者前期及此或拜於舟中展敬而已莫可致力公
惕然曰是非守土之責哉乃募工鳩材拓地若干
步值他寺在令甲當廢者三悉撤而用之湧泉一
爲前殿一爲伽藍殿而移舊堂於後爲具服所僧
舍則聽築於垣外由是習儀之際陸墀高廣宮宇
靚深儀衛具陳冠裳就列儼乎若六龍當御八佾
在縣典謁者有所藉而周旋入覲者咸得與事而
免於苟簡觀者嘖嘖知禮之當肅也若此於是三
衛具察書來京師請予記惟公治天津總一道兵
刑之任而無利權可展布乃能節縮浮費修城浚
隍簡戎器剏樓櫓興文教使橐鞬之士兼俎豆之

習屹然京師一巨屏又以其暇日新茲梵宮示人
以禮其施之有序其爲之有法惡可不書之告來
者俾謹嗣之而毋忘斯役之所自哉或疑釋氏之
宮非吾人所當起廢似又不然彼微利於鬼神破
吾民之財力爲異教者倡是誠舛矣今所葺者特
藉此寬閒清寂之境伸遠臣敬上之至情其奚不
可之有昔韓子謂浮屠氏有慕吾之道者拘其法
而未能入今卽其地與其庭修禮樂之容明上下
之等設贊相拜起陟降進退之節秩乎粲然先王
之制而昭代之所因也安知不有如韓子之說可
化其徒使歸於中國聖人之教者哉是亦可書公
名福字順夫起進士甲科屢更中外以公勤練核
著稱一時是役也董之者指揮周榮千戶唐玉佐
之者指揮倪雄黃溥呂昂裝繪諸梵佛像者土人
張俊民季興張安而主是
寺者釋悟懷也法得附書

白衣菴 一在城東南隅康熙四十七年重建俗

名大寺 前志 一在城內東北隅 縣志

白衣寺 在北門外河北岸明正統七年建名觀

音寺 前志

國朝順治十七年重建改名白衣寺 同乾隆間大學

士于敏中鹽運使吉虛中天津道宋宗元重修 縣志

白衣廟 一在河岸 一在楊柳青河北 俱同上

甘露寺 在北門河北岸明季建

國朝順治元年重修 前志

育德菴 在西門外瓜菜店河岸明季建

國朝順治六年重建

稽古寺 在西門外西北隅明萬曆七年敕建

國朝康熙三十八年重建有藏經閣 俱同上 朱彝尊天津衛稽古

寺重修藏經閣記佛之書入於中國其初四十二
章耳其後盛於姚秦熾於梁大備於唐代與日繁
幾與儒者之書相等縉紳學士靡然舍已所學從
之而其徒復侈大其事鳩土木以為之宮節朱丹
以為之楹誦焉則有拜跪坐起之容梵焉則有抑
揚高下之節而又緇繩以襲之鐘鼓以宣之其所
以崇奉之者靡不至自孝定皇后篤信其教命
使頒經藏於梵刹其徒猶慮未廣更梵策為篇籍
自是經藏薄海內外所在多有嗚呼使遇漢明梁
武又可知矣天津衛屬京畿之衝城之西門有稽
古寺藏經之閣峙焉地近海多風飛沙晦冥歲未
久閣圯浮屠舍光者新之予櫂舟道此登焉夕陽
在衣風鈴錚然翔鳥上下為之目曠心怡含光語
予曰凡吾材之所需井稅之入升盎之儲積之累
年始成焉憚閣之頽而經藏將失也今縉紳學士
誦法周孔其於六經百氏之書舊聞放失往往置
勿問而府州縣學或傾廢不治不有愧於佛氏之
徒也哉浮屠之言雖非聖人所與而能崇奉其教

以興廢自任若舍光者殆亦聖人之徒之所進也遂爲文以記之
光緒十三年知府汪守正改寺爲書院采訪冊

慈惠寺 在西門外姚家灣明崇禎九年重建前志

鎮海寺 在城東大直沽明崇禎二年重建

慶國寺 在城東大直沽池南一名掛甲寺明劉生中

重建掛甲寺碑記大直沽池南三里許有古刹曰慶國寺後名掛甲其由來遠矣圖經無考得於父老傳聞云當大唐征遼奏捷駐師此寺因更名焉世遠傾頽遺址尙在今遊擊將軍張良相奉命東討日本國道經於斯嘆曰余將凱旋而亦掛甲於此焉督本營千總官袁應與等率隊伍蘇敬等各捐貲興工踴躍從事天津廩生孫從先捨地十畝協力重建不兩月而底績棟宇嵯峨象設赫濯遐邇士女瞻謁雲集隨祈隨應旣而東倭蕩平旋師掛甲神其有赫乎不佞因摭其始末劉之於石以

諭來者云

無量菴 在北門內康熙五年重建

大悲院 在北門外河北窰窪康熙八年重建俱同

上朱彝尊大悲院記孔子歿百氏之學與其最盛者楊朱墨翟治墨氏之學者至分爲三其師說之不傳豈非孟氏闢之也與浮屠之言近乎墨者也墨之教摩頂放踵利天下爲之而獨於治喪也以薄爲其道爲浮屠者術主乎慈其始去父母昆弟捐妻子而不顧詎非忍哉昔孔子不遇於時馳驅四方若微生畝接輿荷蕢之徒交訕其後而曰吾非斯人之徒與而誰與痛哉其言也蓋吾觀於佛獨善彼所稱觀世音菩薩者推其願所至欲盡斯人而登之善其去孔氏之旨不遠而大悲菩薩者彼所謂觀世音之化身也其手足之數多至八萬四千目必有所運手必有所執俾匠人一肖之佛氏之教則然禪人世高結茅天津之衢夏以水冬以茗果施往來之人而子友曹君實司武備

茲土捐俸錢繼之程工庀材築室三楹題曰大悲
禪院而請記於子嗟夫舉斯世之人其可惻然悲
者眾矣惟泯於無所睹聞則已試游目而觀其迷
途陷溺目不能周手不能援者何限此菩薩之以
大悲名也而况聖人之心哉曹君勇而好文馭兵
以嚴而養民也惠殆所謂可使治賦者而夫浮屠
之言儒者疾之以其無預於世天下飢溺而不思
所以救也世高用其師之說獨以大悲菩薩自託
則豈盡無意於斯人者哉宜
曹君之樂其人而信其道也

直指菴 在北門外河北窰窪康熙八年重建前志

大寺 一在桃花口明隆慶二年重建同一在城

南蜂兒窩舊名觀音菴明代建縣志

先登寺 在北門外東北隅河北岸康熙三十五

年重建前志

天安寺 在城外西北濠舊名板橋寺縣志明季建

國朝康熙二十年重建前志

放生院 在西門外河北岸康熙三十年重建

永明寺 在西門外西北隅明永樂間重建

彌勒菴 一在西門小夥巷明季建俱同上一在東

門內石橋衚衕康熙三十八年天津道趙弘燮建

乾隆三十九年嘉慶元年重建縣志

香林苑 在三岔河口前志蔡啟盛案
即崇禛觀之西

觀音閣 一在河東鹽坨 一在小夥巷俱同上

在北門內縣志一在北門外 一在葛沽

觀音菴 一在東門外南斜街 一在楊柳青

一在趙北莊 一在城東姚家村明代建

觀音堂 一在大直沽乾隆年知縣孫景會重修

一在城西馬莊

海潮菴 在城西北隅板橋西

海會寺 在城西稽古寺西元至正間天竺國僧

海會結菴於此故名明萬厯年重建

朝陽寺 在河北隄頭

黑寺 在北門外流水溝康熙年建

紅寺 在黑寺東明萬厯年建

白寺 在紅寺東明萬厯年建

圓通寺 在河北信家臺

報恩寺 在楊柳青

興福寺 在蒲口河東

宏濟院 在三汊河北明末建舊名法華園後改

國朝康熙乾隆年重修

淨土院 在河北窰窪明代建初爲元帝廟後改

普濟菴 在城外東南隅舊名大悲林

維摩菴 在西門外康熙年建

水月菴 在城內西南隅舊名魯祖水月菴祀魯

祖康熙年建乾隆嘉慶年重修

元會菴 在閘口

淨業菴 一在北門外河北 一在城西

寶林菴 在閘口南

萬壽菴 在河東鹽關亭南

念佛菴 在東門外南斜街康熙年建

如意菴 在永豐屯

接引菴 在城西小夥巷康熙年建

草廠菴 在城內東南隅

延壽菴 在閘口南

毘盧菴 在北門外河北

達摩菴 在西門內南

文殊菴 在河東鹽坨

三聖菴 一在河北 一在大儀門西 一在河

東雜糧店街

地藏菴 一在河東雜糧店東 一在南門內湧

泉寺東 一在葛沽 一在田家嘴 一在大直

沽明末建俗呼曰前菴 一在河東鹽坨康熙年

建俗呼祖師廟 一在閘口下風神廟南 一在

永豐屯雙忠廟東 一在白塘口

準提菴 一在西門內 一在河東鹽坨 一在

楊柳青 一在北倉 一在河北甘露寺西

西方菴 在河東于家場東北明天啟年建舊名

湧泉寺

清淨菴 在北門外侯家後嘉慶年重建

善慶菴 在西門外張官屯明建

國朝康熙年改建道南

茶棚菴 在北門外迤西雍正五年建

紫竹菴 一在城東南馬家口下 一在楊柳青

河南康熙年建

大悲菴 在城外東南隅

廣壽菴 在河東過街閣南

善緣菴 在河東季家樓康熙年建

大覺菴 在城西教場河北初名三教堂

圓通觀 一在河東小關 一在白塘口

紫竹林 在城東南馬家口

獅子林 在三汊河北

大慈林 在城東南馬家口北雍正十二年重建

妙嚴宮 在西沽席廠

麻子宮 在水師營新城蠻子營俱同上

太虛觀 一在府署東南明成化間建前志 一在

東門外縣志

朝陽觀 在倉廩前志

丹陽觀 在府署西南

福壽宮 在小稍直口俱同上

靈壽宮 在河東元至元間建縣志

天清觀 在河北石橋康熙年閒建名天慶寺乾

隆年鹽政穆騰額重修改名同上

東嶽廟 一在東門外城旁前志 一在大直沽明

天順年建 一在北門外河北明萬曆四十五年

建俱同上 一在丁字沽縣志 一在楊柳青 一在

城南劉家莊俱同上

泰山行宮 一在東門外河東岸明初建崇禎七

年重建前志 一在城內二道街縣志 一在北門外

侯家後曰泰山菴 一在城東南馬家口 一在

楊柳青俱同上

眞武廟 在北門外河北岸明隆慶六年建

國朝康熙三十四年重建前志

元帝廟 一在河東瞿黃口 一在魚市口俱同上

一在河北關下嘉慶年鹽政徵瑞重建縣志 一

在西沽明萬厯年建

國朝康熙年重修 一在蒲口北頭 一在葛沽

一在大直沽 一在楊柳青河北俱同上

九天廟 在西門外明永樂間建前志

三官廟 一在西門外康熙二十七年重修 一

在南門外明弘治間建 一在東門外河東岸明

季建

國朝康熙四年重建 一在河北俱同上 一在北倉

趙家莊縣志 一在西沽 一在東鄉驩坨莊 一

在東沽 一在楊柳青 一在南羊馮頭 一在

泥沽 一在葛沽 一在鄧善沽 一在大沽

一在東鄉鄭家莊俱同上

三元菴 在城外東北隅河東小關明萬厯四十

二年建崇禎十三年重建前志

玉皇閣 在東門外

玉帝廟 一在中渡口俱同上 一在葛沽縣志 一

在丁字沽 一在鹹水沽 一在河東小關俱同上

白水廟 在河岸前志

財神廟 一在倉廩同上 一在縣署後乾隆年重

建縣志 一在東沽 一在大沽 一在新城 一

在葛沽 一在下郭家莊俱同上

呂祖堂 在永豐屯前志

呂祖閣 在東門外嘉慶年建縣志

老君堂 在北門外侯家後

碧霞宮 一在泥沽 一在河北宜興埠村

三教堂 一在大稍直口南三里康熙七年建乾隆三十二年重修 一在城東南馬家口

太陽宮 在西門外雙忠廟東乾隆年重修俱同上

三皇廟 一在西門外西北隅元季建後更名古

皇菴前志 一在大儀門內縣志 一在河東鹽坨舊

名過街閣嘉慶年建同上

藥王廟 一在北門外西北隅明永樂間建前志

一在楊柳清明季建 一在北門外河北康熙間建 一在城內費家衚衕明代建俱同上 一在河

東鹽坨縣志 一在河北嘉慶二年重建 一在桃

花口 一在土城邨 一在大直沽 一在葛沽

一在鹹水沽 一在鄭家莊 一在大直沽東

北明嘉靖年建俱同上

鹽姥廟 在蘆臺場原注按長蘆鹽法志蘆臺場在寶坻縣境今依畿輔通志

入天津亦曰聖母廟在寶坻蘆臺場距縣治一百

八十里昔五代時南北分據幽燕之境鹽絕者歲

重刊天津府志卷之三十三 寺觀
餘忽有老姥語人曰此地可煮土成鹽并傳其法
遂失所在人皆神之因建廟曰鹽姥廟後有人新
其像越日忽報臺南十里皎白如雪約十數頃厚
積寸餘趨視之則皆鹽地居人競收之有瑞鹽歌
前

志
五聖廟 在馬家口明代建

國朝乾隆間重修縣志

魚骨廟 在海口鄧家岑廟只一間魚骨爲屋脊

塑小神像以魚圓骨爲神座座旁有泉不堪飲同上

浙江鄉祠 在戶部街北原鎮倉關帝廟遺址康

熙七年紹興高啟泰合越人寄居天津者捐資重

建爲浙紹鄉祠前志乾隆四年知縣朱奎揚重修縣志

胡燏棻浙江會館碑記節錄光緒十年甲申冬
余攝巡是邦天津太守錢塘汪公守正權鹽運分

司慈谿嚴公信厚以余本越人就議初建未果越

二年丙戌春嚴公踵前議圖之同人攷得城東北

隅舊有浙紹鄉祠其先爲王文成公家廟順治初

紹人陸如岡張之遠徐羽青等廓增殿閣像有功

於民之神春秋報賽置田給香火度僧住持蔣公

陳錫紀其緣起於石康熙乾隆間高公啟泰朱公

奎揚先後新其宇亦有文與蔣碑俱存歲久祠廢

不理僧占以爲業請於官乃得復因與汪公倡鄉

人釀金以價得祠西宅將拓而大之會錢塘張公
曜道經斯土秀水陶公模陳泉來直錢塘許公鈐
身觀察通承余亦同時除授天津道各出資助之
從者嚮應如恐不及張君敬熙復勸甯船之役漕
運者石出算若干期五年以補不足於是程功飭
材任王君宗堂董其役因祠之舊填其漫漶葺其
頽壞無改作而以祠西地築館與祠通而別立門
設廳於前出入過焉構重屋於後位祀鄉先賢其
上承以夾廡拱以歌臺東於祠後隙地闢蔬圃施
修廊崇軒中起雜卉旁藝又東則高館曲房銜

命述職者於焉稅駕其餘庖湑廡各以序為經始於
丙戌秋八月至丁亥夏四月落成計費白金若干
復節甯船所輪購東關海河岸民地建商船公所
蔡啟盛案此祠原名浙紹鄉祠今東為浙江鄉
祠西為浙江會館門額雖分仍通稱鄉祠也縣志
雜記內有一則云城內鄉祠相傳有異人僑居一
日辭去曰後樓墨污幸見諒出門不知所往僧旋
視之東西粉壁平書進德修業四大字下遺墨益
又竹竿繫做帚墨汁淋漓餘無他物壁高尋丈不
知其何以書也東署乾隆十一年四月五日九字
西署晉安胡御璣書六字云云今壁字尚存張氏
別有摹刻可搨又前志載金華會館在其側今圯
青縣

觀音寺 一在縣治古城內有僧會司明宣德四

年僧會廣進重修成化十三年僧會文班增修前志

俗呼大寺縣志 一在衛河岸前志 乾隆五十九年重

修縣志 一在縣署西 同治八年重修 一在王
維屯明嘉靖三年建 一在東港 一在殷官
屯寺中有古槐一株濃陰垂蔭時見異光或以為
樹有蟾蜍鄉人往往見之 一在縣署東道光二
十四年知縣鄧椿林重修 一在城西南四十里
大孝子墓東南隅同治六年重修俱同上
地藏菴 一在城北十八里前志 順治六年建嘉慶
四年重修縣志 姚廷贊重修地藏菴碑記節錄
羅奇荒僧徒聞其無人椽椽毀而莫構道人張應
節募眾再造之始為薙草開林繼復崇基表象原
殿廓而大之左右新增二廡內塑十閻王及地獄
天堂諸像二門外復置小殿二座一塑三曹一塑
重修天律守志 卷二十五 光緒戊戌

城隍土地五道眾神蔽之以庭堂峻之以陞級殿
后禪舍廚房森立環列繚以周垣飾以丹堊斷烟
荒草倏爾金碧輝煌名為仍舊功固有五蘊皆空釋
始者矣余因是而有感焉本來無物世法如泡影而
氏之教也我佛以空寂為妙明等世法如泡影而
何有于遺像乎世道不留桑田變遷秦餘空山漢
遺茂草矧茲一字漫同靈光今日之金碧輝煌安
知非後日之斷烟荒草以正法眼視之不均屬無
有耶然像顯可徵雖愚不惑形潛莫睹在智猶迷
上哲即心是佛中人見像修福天下上智少而中
人多今愚夫愚婦聞無上微言聽三藏祕旨低眉
思卧茫然不解一覲聖像莊嚴無不械足刳腹降
心輯志自此寺之建遠近絡繹奔馳如歸行見貪
夫遷善聾盲知方識浪安流地獄清涼謂非有功
于斯民不可况張姓一在王鎮店元代建明李佐
鼎立之勤不可泯也
王鎮店地藏寺碑記青縣地藏寺在治北二十里
與大城接壤後距斜岡前眺平野黑龍港掖其右
衛河映其左相傳前元時之所建也後燬於兵燹
所餘惟故地而已永樂初大城有高明遠者立地

藏廟於其上蕭然一茅屋耳正統癸亥青邑大尹
楊公景庸大正封界始改廟為寺仍合耆宿謝震
延僧悟真以奉之是蓋有意於復舊惜乎真之力
不足以為禪也景泰癸酉居士劉英嘗遊都下聞
敕賜萬壽禪寺前堂文班道力洪大率眾懇請以
主其事班慨許之既至即以重興為己任恪遵法
戒丕振宗風僧俗欽事而信向者日新無已乃節
縮所出積蓄所入又得遠近所施若佛殿若山門
若法堂若廊廡僧舍廚庫之類或先或後以漸而
月歲益規制嚴整煥然有隆盛之勢殿之內
裝飾象設金碧奪目瞻者聳敬垣之周置田餘三
百畝園有圃其花草暨諸色樹大小殆以萬計
皆班自卓錫之初訖成化庚子二十八年間率其
徒之所經營也其用心也勤矣哉班師德勢德勢
師道孚道孚師淨觀淨觀宣宗制授洪慈普應禪
師僧錄司右善世道孚救賜萬壽禪寺築壇傳戒
知幻大師僧錄司左講經德勢欽依萬壽戒壇住
持蓋其所傳有自故其所立不凡非偶然也今年
冬班以三十年來積累艱難恐其力久而湮沒將
勒石以垂不朽徵文記之且於碑陰並存施財者

之姓名余嘉其意之公廣悠久也不辭其請而為
文以畀之嗚呼天下之事類非凡近者所能了班
之主一寺也興百年已廢之業而所成之盛足以
光前啟後則其志願之堅遠材力之博大蓋可見
矣若是者豈非其宗門中之
巨擘乎時成化十六年記

廣勝寺 在城西二十里齊家營明嘉靖三十一年建

國朝乾隆元年重修

縣志

流泉寺 在城北三十里流河鎮明正德年建

同上

壽聖寺 在城南七十里

前志

興國寺 在興濟鎮南一里

縣志

明宣德九年僧悟

亮建

前志

洪音寺 在城東北十五里有元大德年所鑄鐘

其聲清越聞數十里

彌陀菴 在城南衛河濱卽繡禪菴

縣志

石佛寺 一在藥王廟東

前志

一在陸官屯

縣志

名隆興寺順治十四年重建

雍正通志

石佛寺碑記節錄興

濟鎮迤東陸官屯舊有寺名曰隆興經勝朝兵燹
之餘殿垣傾圮鞠為茂草順治十四年春屯中耆
老車名揚等將鼎而新焉值年穀順成鳩工集眾
閭數月而次第備舉廟前東南隅一廢土井未落
成時夜半偶現火團離地數尺者累日羣情咸異
爰聚畚鍤而察之掘土三四尺忽觸物鏗然有
聲紅光滿井在井中劇土者渾不覺而井上觀者
靡弗震駭未逾刻而得片石繩引而出浴而視乃
石佛二尊像不甚大左則丹砂煥若右則白玉瑩
然不假人力載諸一石信若天成同聲贊嘆以為

希有舉而供奉殿中作禮而退亦尙未之奇也是年夏旱不雨時疫流行醫者束手名揚車公等忽念石佛之出有異也因率眾而禱像前以祈福祐越三日而大雨如澍村落疫疾頓愈闔莊甯謐共卜有秋卽隣村之聞而祀求者亦皆旋至而立應緣感靈庇胥加禮敬迨廟工畢而改顏爲石佛寺云

鎮海寺

在城西四十里

前志

法華寺

在城南九十里

同上

資聖寺

在城南八十里施家屯明成化六年僧

洪琇萬曆二十六年僧洪全相繼修葺

縣志

水月寺

在城九十里

前志

流佛寺

在興濟鎮北寺有古槐

縣志

龍華寺

在黃窪鎮明正德十六年建

慧堂菴

在杜林鎮明萬曆二十五年僧隆全建

國朝乾隆四十四年僧法旺重修

卧佛寺

在塔寺莊明正德四年嘉靖二十八年

國朝嘉慶二年先後修葺

清涼寺

在城南姚楊新莊明宏治十七年建嘉

靖二十五年崇禎八年

國朝乾隆三十九年俱重修

崇眞宮

在廢興濟縣卽眞武廟明宏治十一年

建

國朝同治五年改建文昌閣惟山門尙存

元帝廟 在流河鎮乾隆五十年重修

北極廟 在縣北柏家莊俱同上明余勁修北

縣舊有北極真君廟在邑白家口之北柏家莊之南衛河瀉其左官道互其右厥地夷曠雖密邇人境寂而不譁誠棲神乞靈之所也廟之興廢邇末無所考入國朝鄉民即舊址縛房數椽以祀香火久之無大興復者宏治丁巳邑人韓宗素有清修苦行之志來尸是廟昏晨焚供惟謹人多重之一日乃謀新故物以功大費繁為念適大同周侯來令是邑宗白其事侯甚悅之遂鼓舞于上而宗亦振奮不怠一時義人宮室翕然嚮風皆不求而薦貨不煩而獻功不募而助宗亦殫竭心力晝晝夜維於是乃除穢以其地積土以高其基選木於河葦石於山灰鍛貨於商領甃易於陶百需既備宗始請命於侯而經營之大建祐聖殿三間其崇三十尺其廣五十尺深則殺廣之半梁楹皆合

抱材軒敞莊偉突然如山且飾以金碧輝煌璀璨光奪人目內則哀金鑄祐聖像而配以張薩二真人俱高七尺左右則塑四帥及諸從衛以翼之粧嚴極其美麗至於焚供之器皆以金為之又鑄鉅鑪千斤將懸以樓廟之四周繚以崇垣限以山門凡屈息庖福之屋皆以次而興但三官殿工已肇而未合是役經始于戊午年十有一月積工數年至癸亥五月方告成邑之義官王雄孫說輩謀于衆曰是廟固造端于韓宗脫微賢司牧力贊之未必其工之大就如是不記諸石無以告後來乃相率請文以爲記

真武廟 在城東北前志順治三年重修縣志高

廟重修碑記節錄青縣城東舊有元帝廟法相巍峩莊嚴宏麗供祀有典祈禱必孚歷歲攸長不無摧落向聞邑中善士趙子創始鳩工加意修葺神儀殿宇復還舊觀延及戊寅時當更代叠罹兵燹廟宇同災丙戌夏日夙緣預植久廢將興幸遇天津兵憲劉公祖諱武元者巡歷茲地便道經過切

見廟基荒涼荆埋瓦礫愴心慘目特布虔誠捐俸重修募諸當事速祈樂就寬斧風斤經營三月禪堂法殿前後畢舉遠近坻庶罔不駢集雲來歡呼奮勉不但頌我公祖之懿意亦且神帝力之顯赫矣余因父老載德之請敢附蒼龍標下守備馬獻用彰不朽其間董事掾吏馬世龍標下守備馬獻策竭誠督理樂善不倦因并識之

東嶽廟 一在縣署東南前志明嘉靖二十八年建

國朝順治七年重修縣志咸豐八年知縣曾貫之重修

一在城南明崇禎三年建

國朝乾隆四十八年重修 一在杜林鎮明隆慶

六年縣人張儒等修葺

國朝嘉慶四年僧演慧重修俱同上

泰山行宮 一在縣署東北前志 一在流河鎮乾

隆元年重建縣志

碧霞元君祠 在長蘆曠明嘉靖二十八年建萬

曆三十七年重修明李應魁重修泰山碧霞元君祠記節錄廣陽渤海之區有

社名長蘆曠者嘉靖己酉時建祠宏濶壯麗前碑已為具記矣值萬曆戊申秋洪濤漲湧無高原下隰俱被泊蕩行祠遂圯乃祠之住持尼僧慧安化緣鳩工遠近信士富者輸財貧者輸力迄己酉而造竣攄詞勒石以記重修之歲時云

國朝康熙二十三年增葺同上

三聖祠 在東門南街前志

五嶽廟 在新集鎮東滹沱河濱明萬曆三十七

年

國朝康熙三十二年重修縣志

三官廟 在東關前志

玉帝廟 一在東門外同上 一在雙莊縣志

玉皇廟 在沿河鎮乾隆二十二年建

王母閣 在杜林鎮明崇禎八年劉尙用創建

國朝康熙五十一年僧道全乾隆五十八年僧法旺

俱重修

呂祖廟 在縣署東觀音寺西咸豐七年重修

盤古廟 在 舊在今廟東北明宏治十七

年崇禎九年俱重修明馬政盤古廟碑記節錄盤古氏人祖也茫茫堪輿俯仰

無垠知者且寡誰其貌之青實故墟也在邑南十

有五里故迹可尋第恐莊列之言涉乎虛史傳之

紀淪於妄爰考其實有廟在里有墓在溝突兀如

昔自有國有家而即有也皆青人之所見聞者矧

可射思乎某童而謁尙記陳容古貌精爽逼人土

僧傳說楊僕等造建弘治 劉侯視篆得陳景

春首倡而一新之猶未備也訖周侯下車得孫景

暉作倡而大新之易小以大易巽以石易塗泥而

金鐵之使萬古不易之基互古改觀祝之而雨禱

昭而晴報應如響誰之績歟烏可無記以垂永久

三皇廟 在城東北前志

藥王廟 一在三皇廟西同上 姚思虞重修扁

少為社長授術長桑邁跡俞跗趙簡齊桓虢太子

皆其視於無形嘘於既燼功參造化機奪鬼神隨

俗易其刀圭難經演其宏奧岐伯以後先生一人而已先生化行垂惠轍環列土而維初孕靈于鄭故迄今祖業在焉互千萬禩顯明景燦進進著靈異于人間而降神之區滋甚青于鄭既唯是擊柝相聞先生之衍鴻祐當與鄭同而蒸黎之景純庶亦不至與鄭異此闕宮飛羽安有明祇蓋報酬應然非苟而已也舊記祠旁浮屠常聰爰建今距丁未且七十年餘矣得比邱真亮募眾再新之先生似偏有緣于禪教者蓋聞東方有藥師琉璃光如來發大宏願拔除一切眾生病若先生或其現身是未可知祠祀先生于中央張仲景十人配列兩廡皆真亮為之夫青祀先生既以比里故似止宜以河間配食而別祀長桑于後楹明術所自出仲景以下可省也或曰先生功在天下萬世青不得私諸君皆大先生之道者其配食康熙五十五年可勿省並存之以俟達禮之君子

重修又光緒元年重修
上同 一在興濟鎮明代建

廟後有古井泉甘而冽能療百病治眼尤效俗呼

聖井

上同 一在南太州村明萬曆二十五年僧淨

和等重修

明戴珮重修太州村藥王廟碑記文節錄夫茲地名南太州村東去縣四十里

南瞻大道西顧崇仙其間柳陰槐影桃棗成林遠而望之悠然灑然脫塵出俗誠一方之勝境也昔先民擇地遂創建藥王廟於茲為殿僅一間四無垣牆曠然一野地耳近有本村胡姓者為青邑土住落髮衣緇名曰淨和住持茲廟司香火厭其制度狹小志欲恢廣之自萬曆丁酉歲與北太州會首劉詔同一發心督眾鳩材程功戒事改創大殿三間繪塑神像前立山門中修神路左起鐘樓右列僧舍垣牆周匝煥然一新猗歟休哉真琳宮之傑哉當創議之初善人吳元魁同族弟吳貞吉有願施窰燒磚瓦者有喜捨檀木者有會眾人等喜捨香火者又有前劉詔子劉鈔善繼述迺父之志事於後而倡和之大眾濟濟欣然赴事不踰年而告成焉茲何以故也蓋王之靈感滿天下如水行地中何嘗匏繫於鄭而斯民慶王之華辰者無遠無近致誠致懇其香火之盛祀事之隆亦無少

異於馳驅瀛北鄭城間也吁亦美哉雖然非浮屠胡氏之虔誠無以開劉詔輩之先非善人劉詔輩之誠信亦無以成胡氏之美自此廟一擴廟貌與日月爭光神功與天壤不做矣故為之記以誌歲月云

八郎廟 在城南四十里嘉慶十四年縣人戴雲

鵬募修

戴枏八郎廟碑記文節錄本草起神農素問出黃帝醫之由來尚已而世之立廟酬

醫者僉曰藥王王之號或指春秋時盧國扁鵲或指唐時孫真人思邈與韋慈藏訖無定論其配則漢之倉公淳于意長沙太守張仲景機漢末華陀西晉之皇甫士安謚王叔和東晉之抱樸子葛洪至於雷公敷不紀代若劉河間先生完素字守真則金人焉又益以元之李東垣先生果朱丹溪先生震亨明之龔雲林廷賢凡十餘人如十哲之配食孔子然究亦無定論也劉公守真河間人故世稱劉河間西距青邑僅百里青故屬河間雍正九年始分屬天津青之南四十里戴家莊後東至

黑龍港北岸舊有八郎堂廟乃劉守真故祠呼八郎者同鄉人語從質也其興建不知始自何時原公之生少聰敏博學自號通元處士嘗遇異人飲以酒大醉寤遂洞達醫術撰運氣要旨論精要玄明論素問玄機原病式諸書今皆失傳矣此祠較他處為最古年久傾圮神像率蔽以席余嫡堂伯父文庠諱雲鵬字騰霄者少讀書廟中每心許修之而未果也嘉慶己巳伯父授經於此廟齒已七十五歲矣忽感肝蟹之異恍然似大悟遂放館徒步走募四方不期月而工成咸豐二年余弟名彬者又借鄉人重葺之

神沙廟 在鮑家嘴東岸河內有暗沙一片舟行

至此遇淺祈禱輒應

縣志

科神廟 在 道光元年知縣司馬 重修上

靜海縣

白衣菴 在北關外僧心廣重募建前志

地藏菴 在縣署東南

觀音寺 在城北有僧會司明宏治四年僧會洪

理建

華藏菴 在北門外僧彌岫募修俱同上

大佛寺 在城南縣志

清涼寺 在城東前志

華嚴寺 在城東齊家莊縣志

洪陽寺 在城東南大屯

子孫娘娘廟 在城內東街俱同上

玉皇閣 在北門前志

隆善寺 在城東北出龍河

龍灣寺 在城東南

雍熙寺

雪堂寺

三官廟 一在縣南街 一在北門外

三皇閣 在南門俱同上 同治九年縣人張模重修

縣志

藥王廟 在縣東街咸豐三年遭寇毀同上

東嶽廟前志

真武廟同上

滄州

集善寺 在州署西北前明成化中內官監少監

高嵩建有敕賜扁額以寺屬北京僧錄司明張駿

善寺記節錄佛之教覺而已矣聖人扶植之而不忍廢焉者庸非導民為善使之覺其所未覺乎集

善寺則今內官監少監高公嵩請以寺額者也寺在河間府滄州城內之西北隅其地平曠層巒盤

蹲遠水迴帶苑有嘉禾秀草沃壤疇疇而居廬鱗次行輒羽集素號奇勝之區舊剝毀於兵燹鞠為

邱墟久矣于時太子少保兵部尚書馬公昂倡率善士張福暨住持圓恕等協力募緣築菴以居數

年適高公之兄子錦衣千戶源嘗奉使過其境而悅之歸以告公懇為鼎新之舉公念父母之邦即

慨然捐金繪購木石鳩工役而為之好善者翕然為助踰年而寺成太子少保禮部尚書鄒公幹復

具題奉敕賜為集善寺其以圓恕領檄主之夙夜焚香祝延上壽而歲時有僧習賀儀於其間煥然規模奕然氣象殿堂門廡之弘麗鐘鼓庖福之精完非復苦空寂寞於荒榛灌莽中矣公聞而喜溢貽予書請記其事予惟高公與嘉靖十年重修明善之心如此予言其可以斯乎 嘉靖十年重修明善重建集善寺記節錄滄州城西隅舊有集善寺為我朝敕建歲久且圯山西檀越曹鸞王宇輩誓發弘願捐金葺修屬僧淨澄董治厥事中為圓覺殿前為重簷殿又前為天王殿左右為伽藍祖師二殿及鐘鼓樓繚以重垣甃以方甃色相莊嚴種種奇妙四方人士來游來觀者皆大歡喜頂禮而退鸞乃詣余為文勒之穹碑以告成事

國朝康熙間傾圯四十八年僧師立募修大殿天王

殿五十一年僧祖祥師洪募修後殿及東西迦藍

殿州志

地藏廟 在州署東北明代建前志萬曆中州人孫日選等重建

國朝康熙三十八年僧緒恆重修州志

達摩堂 在北門前志

國朝建州志

觀音堂 一在城西北隅明建今圯前志 一在鹽

廠北 一在五帝廟 一在八蜡神廟後 一在

南門河岸 一在南門閣內俱同上 一在書院舊

址

國朝建州志 一在張官屯明萬曆四十八年建同一

在倪官屯明代建州志稿

觀音寺 一在風化店唐天寶元年建明成化年

重修

國朝康熙四十年姚國瑞重募建常明重建觀音寺記節錄天津南隅

風化店實踞滄州之東唐天寶元年建有觀音寺

地址四圍約四十餘畝足稱一方偉觀世遠年湮

遂成廢壤明成化間有朱福名者鬻產傾家作興

善類規模煥然一新其名垂丹石宜哉亦越於今

百五十餘年基址雖存氣象非故往來觀者不勝

今昔之感嘗歎接踵無人何意吾滄生茲善人姓

姚名國瑞法名成靜混跡薪市陶情醉鄉本來不

乾隆三十八年道光二十五年咸豐二年均重修

一在龐村元代建 一在鄭官屯明代建

一在李村鎮明宏治十二年重修

俱同上 明周輅重修觀音寺

碑記節錄古滄東北有地名曰李村鎮去州治二舍餘泉甘而土沃人傑而地靈其間有梵刹一區額匾觀音考其時興創於國初歷歲久遠乏僧住持風雨損壞瓦彫零而且佛像剝落不足以聳人之觀瞻蓋由其數有廢興之機存焉迨今歷歲將興適有僧曰安興者自幼舍身祝髮戒行端莊清心寡慾每以古僧得道者自期誠為僧中之翹楚者焉住持是寺一盡僧道遵五戒而皈禮三乘不敢怠荒一旦遽歎曰殿堂傾圯佛像剝落如是我何能逃因循苟且之責乎今欲以修建為已任未擬檀那肯隨所願否俟有州人劉宗劉本兄弟發心向善捨地一十五畝以資常住之供續有里人鄭從寬鄭禮王舉來與謀曰即今大雄殿伽藍祖師二室頽敗風雨不足觀瞻可修理乎於是漸

次提化修建視舊規稍加至弘治四年重增修飾暨天王殿佛像以銅鑄之傍塑羅漢此皆由善信劉山鄭愷鄭鸞王嵩之力為多也去後觀音閣未修今已修之伽藍祖師二室未葺亦已修之又以銅鑄大悲觀音妙相計所費不下數千百緡此亦由善信王雄馮敏張倫暨僧海亮清玄功為大也是寺創始於正統年間垂五十載至今弘治乙未而落其成予因庠士于賢等請文是為記

一在上河涯莊明正德十五年重修

州志稿補明祝祥重修觀

音寺記節錄

集事

縣

景泰間有僧

悟明者因舊址建立觀音寺有成效焉歲久傾圯無以稱瞻依之意歲庚辰僧本寬一且奮曰人作之吾獨不能繼之耶乃請諸鄉人劉鑑等共成斯舉眾皆曰諾起於春二月癸卯訖於秋七月戊申

天齊廟牆垣悉一新之其像飾以金碧如日星金剛伽藍祖師法像亦粉飾之煥然非舊觀功成本寬與徒真成真 眞實介其親省祭官 一在後王張君魁徵文將勒石為碑以垂不朽

官屯磨李莊又名廣涼寺明嘉靖三十六年建州志
 稿補明劉九章觀音堂碑記節錄慈惠鄉磨李村
 善人孫學等卜地肇築一堂名曰觀音者厥材孔
 良儀設尊崇采繪絢如殿堂輝煌僧禪有舍周以
 垣牆匪儉匪奢是宜是稱主之以德行僧人佛順
 夙夜課經供祀香火祝延聖壽保康善眾且堂之
 形勝實當其要衝東極作龍堂西邇七里淀南顧
 大梁店北鎮古滄州落成於正德三年歲次戊辰
 五月十一日也時維嘉靖三十六年歲次丁巳季
 春吉日莊居善人劉玄等偕同儕少長咸集於堂
 肅然瞻歎曰有堂無紀則歲久易湮其何以爲妥
 神揭處之所乎捐資募工聿樹豐碑重益以山門
 以昭觀音之靈刻諸善人姓氏著於石用垂不朽
 迺謀及封君古州李學
 一在楊龍堂明萬曆閒
 建

國朝乾隆五十八年楊國梁重修光緒二年楊慶棠

慶榮等重修

州志稿

開元寺

在舊州城內有北魏時造像題字又有

鐵獅相傳周世宗時有罪人鑄以贖罪今寺廢獅

亦殘缺

題字及鐵獅並詳金石

迎春寺

在城東三里前明代建

國朝重修

州志

清真寺

一在南門清真巷前明代建

國朝重修

州志

一在城內東南隅

前

水月寺

在城西南觀燈橋東周廣順中建明宣

德十年僧澤安移建城北鹽廠東偏正統中建千

佛閣嘉靖中僧明懷募金鑄大佛三尊高丈八尺
 明李舜臣水月寺記節錄今有善體佛教而化人
 無窮者其明懷乎俗姓許氏山東青州益都人也
 髫年即有志出家服緇執禮剃度受戒既長精禪
 教通三昧得心得心印傳嘗經歷四方以普導化晚至
 滄之水月寺著重修功然猶以為不足以為倡世而
 化俗也乃募求良賈王宇等得眾貲以為匠材費
 遂命工範金鑄彌陀尊佛高丈八尺廣三尺巍然
 中立傍峙觀音勢至二大士侍左右又圍繞塑羅
 漢五百及樓臺雲霧山水花鳥之狀七寶嚴飾五
 彩彰施爛爛煌煌居大閣之下儼然西方境界而
 佛之功德成矣而所以得成此者則蒲州王宇澤
 州段森三原焦世傑臨汾張汝誨大同張完翼城
 陳策續縉宋國文陝西王德良等無吝重貲相資
 之力也即是有觀倡之者明懷也協而助之者數
 子也不有倡之孰開其事不有助之孰成其功明
 懷真善體如來之意以立教數子其深感如來之
 教而有得焉者也是均不可泯焉故記之以勒諸
 石
 明陳堯水月寺記節錄滄州城北二里許有

水月寺寺舊有閣負陰抱陽高爽鉅麗正統間僧
 澤安所建歷歲滋久厥制未備嘉靖間有僧明懷
 來自齊中周覽旁睨慨然歎曰美哉閣乎顧吾力
 能成之乃募金於諸賈人中為大佛者一左右為
 觀音大土者二為羅漢者五百其上方為浮屠諸
 像變化靈異雜出經典金碧之工熒熒煌煌蔚為
 奇觀入室者若登三天臨五臺逍遙乎法華清淨
 之場與空王梵侶相周旋焉猗嗟盛哉明懷詣余
 曰閣成矣願有記故為記之閣工肇於嘉靖甲辰
 春正月訖於庚戌秋八月若王宇段森張汝文巴
 恕陳策張完王廷錫孫世鸞
 輩皆預有勞者得附書云

國朝康熙五十八年僧輝一重修雍正四年七年屢

修州乾隆五十四年州人宋成文等重修寺內十

方院州志

封禪寺 在城內周廣順三年張藏英來歸太祖

令館於封禪寺卽此前志

清涼寺 一在東龐村金代建同上明正德八年重

修州志 一在科牛明代建前志

國朝光緒八年重修州志 一在劉家廟州志明代建

稿

聖佛寺 一在南良唐代建明景泰中重修前志

一在勝付州志

彌陀寺 一在東宋村元代建前志 一在張官屯

明萬曆十九年建

國朝康熙五十三年重修州志

王崑寺 在張館店元代建前志

崇興寺 一在南程店元代建 一在新縣鎮明代建

代建

普恩寺 在同店元代建

興國寺 在七里淀明代建俱同上

國朝雍正七年移建孫佛家莊呂德延重修州志

廣興寺 在磚河驛東明代建前志

國朝乾隆十三年重修州志

留佛寺 在小留店明代建前志

流佛寺 一在流佛寺莊元至正二十七年建明

嘉靖十七年重修同上 一在孫清屯州志

會福寺 在雲河隄明代建前志

望海寺 一在留信莊明代建同上 一在耿家莊

唐天寶九年建

國朝乾隆七年耿自全重修州志

龍泉寺 在北子來屯明代建前志

廣涼寺 在王官屯魔李莊

南王寺 在慈惠鄉明代建

密雲寺 在舊州城宋元豐五年建明成化二十

年萬曆四年均重修俱同上 明劉環重修密雲寺記古渤海南門裏迤西有

密雲禪寺初始於元豐五載後不一我

皇明成化歲甲辰時僧普清復重建之迄今

百餘年來日久傾為瓦礫及之南宗順

禪師為住持深以象教湮滅祝釐無處為慮始焉

淬補以公井諸會善人聚皆置材鳩工更建先

次第鼎新終乃竭力於釋迦正刹焉

工肇於萬曆丙子至歲

閒莊嚴妙像煥然一新而鐘聲佛號昭化遠近矣

嗚呼佛道見哉蓋支整叢林

必待主僧剛果故此拓自昔廢墜以來

若是者有志竟成力印勝

旛西振而慧燈有賴者其與焉鳴起弊百丈振衰

開來也合紀歲月以昭後云皆萬曆丙戌十月王

戊朔越二十

八日立石

龍駒寺 在舊州城明代建前志

光緒戊戌

永明寺 在崔家莊明代建
國朝楊緒等重修

圓光寺 在王寺明代建

華嚴菴 在城北五里河上明代建俱同上
盧廷選重修

華嚴菴記華嚴菴者滄治池北之墟震旦國中之勝勢連原薄迹隔喧囂南則百雉紆徐象舍那之醍醐山頂西則長河縈帶類波斯之僧伽水濱林阜野曠若際人天物外烟雲非復塵境肇自徐屯戶侯捐捨緇門結菴河上有里人李啟正王叢感靈五臺潔誠三寶設立社會普施茶漿踵接肩摩憇蔭慈雲之宇煩襟渴吻沾濡法雨之涼迄踰八載蒐集社資厥有蘆商席官捐資首倡而徐元李朝先夏志道王成戶張希孟班祿徐百戶徐河徐水石敬塘等贊助後先鳩金若干買徐豹地八分徐仁草舍三閒棗園一段棗數十株地有招提之區樹滿多羅之種鄉縉度支戴公夙廣檀越之緣

大發給孤之願迺議謂地形蜿蜒向背非便請捐臨河膏腴互易所市園舍以成眾善之公且示周行之利善信懽悅相度經營築土架木權妥普賢金像其中敦請定州僧如湖鉢錫東土香火住持時歲癸巳孟春月也僧如湖睹前工因陋宏刹未興風冷禪堂那覓丹青寶界烟銷香積誰知金碧蓮臺益發弘願募告十方葺治藁林薄崇聖教乃席官與郝應時等各著精虔助成工費支提偉麗法像莊嚴標功顯德紀蹟勒珉

華嚴寺 在河西許官屯州志

千佛菴 在銀子窪明州人呂世祥建前志

毘羅菴 在廠門北明代建

化身菴 在南門外明代建

菩提菴 在戴家衚衕俱同上明代建

國朝州人戴明說重修

接引菴 在察院東前志

國朝建州 西方菴 在西門內前志

國朝建州 西方寺 在南陳屯同上

石竹菴 在南門河岸前志

國朝建州 開化寺 一在豐潤唐代建 一在舊縣明代建

永安寺 一在姜官屯唐代建 一在河西明成

化中建

國朝重修

吉祥寺 一在孟村俱同上 一在畢孟鋪唐天寶

元年建明宏治十三年重修州志稿按舊州志云吉祥寺在南良唐建明景泰中重修咸豐志稿謂南良並無此寺而畢孟之唐吉祥寺志反不載蓋誤以畢孟作南良也

羅漢寺 在卜家寨唐代建 明正德三年重修

法華寺 在河西白家口俗呼棗市廟道光二十

七年重修

馬國寺 在河西

慧光寺 在磚河

土山寺 在順民屯

石佛寺 一在六撥俱同有彌勒石佛一尊佛座鑄字

詳金一在何官屯州志宋端拱元年建明萬曆三

十二年重修明強四勿重修石佛寺碑記節錄茲

之百戶邑即古渤海地也其民敦龐其士閒雅其

熏德而善長者蒸蒸然稱仁里焉屯之東北隅有

佛寺蓋永樂年中居人掘地得石佛因之而建所

由名也其後續葺於嘉靖之甲申迄今歷年既久

繕修弗繼漸入於敝即有人動革故鼎新之念第

憚於更事終亦因循廢閣耳有屯之劉君自幼受

佛戒屯之徐氏亦以詩禮雅慕佛教兩人相得甚

懽也一日劉謂徐曰君不見夫補漏者乎矧茲殿

閣傾頽廊宇圯壞松桷朽腐簷額飄落神幾無依

矣詎非吾黨之闕典乎為之奈何徐君肅然進曰

君之捐金修橋施藥陰隲無窮已復有此舉甚盛

德哉余不敏願共任之於是二君日夕圖謀復懇

本屯諸親友計工程課歲月不憚勤劬歷十年所

得金若干迺鳩工聚材爰舉其事工既竣諸君屬

余作且勒之石劉君諱甯徐君諱祉二君經營之

力居多故特書之他如同會諸君皆有功於贊成

者也併書於後作記者誰渤海強生也強生諱四

勿字參卓號心齋為滄之詩書世家云大明萬曆

三十二年三月朔日記 有石龕造像題字詳金

聖果寺 在九撥州志

慧龍寺 在大七撥

寶林寺 在張官屯

聖泉寺 在倪官屯

吉慶寺 在高河

榮興寺 在新縣

勝福寺 在鄧家屯

海會寺 在賈家莊

白衣廟 一在磚河鋪順民屯南舊傳唐宋時建

明萬曆三十五年重修俱同上

國朝道光時又重修州志稿一在棗園莊舊傳元代建

同上

五龍朝見觀音廟 在白兔莊州志稿有明王玉

音廟記文漫滅不能錄

崇因寺 在乍龍堂宋建隆年建明嘉靖四十一

年重修州志稿戴才崇因寺記節錄古滄州之

東十五里乍龍堂鎮之西南有寺曰崇因四民皆謂唐時建未見遺蹟不足信焉後獲古記載之乃宋建隆間建者也

禪廣寺 在磚河西岸明正德七年建今頽尙有

銅佛一尊坐像高五尺餘州志稿

慈雲寺 在田家莊明代建

國朝嘉慶二年光緒十一年重修

鐵瓦寺 在望海臺東明代建上蓋鐵瓦故名

國朝道光五年重修俱同上

昊天觀 在南門一名永保觀前志明萬曆間以運

學改建州志

玉皇廟 在棗園莊西南隅明代建同

玉虛觀 在北門外明州人呂傑建前志

通明宮 在北門外明知州盧廷選建

泰山行宮 一在北門明代建 一在東門內

一在西門 一在南門內俱同上明代建州志 一在

南門外前志明代建州志

天齊廟 在城內東南隅元代建前志

國朝道光十八年僧海林募修州志

真武廟 在南門河上明州人劉燾建前志 一在

舊州城北明宏治間重建明陳軌舊滄州真武廟碑記節錄惟古滄昔時

雖有廟祀奈歷年既久基址荒廢無有存者是時

富碩之家不惟不多孰肯留心於作廟者耶惟本

州將相鄉二龐姓名通者平尚義樂善好施

昔年歲歉既推有餘以濟貧乏有司以名聞朝廷

給與宣義冠帶之榮在他人以為足矣龐公不然

其設心以為此方古之名郡廟堂不建則無以竭

虔祀神以來四方觀仰於是發心已貨財於北

城之隅築其基址建立維新可謂樂善者矣工始

於宏治十二年四月成於宏治十六年七月又增

建殿門牆垣並置旁室以居黃冠嘻備矣王公鐸

具其興工竣事之本末求文刻石以垂久遠余謂

有其誠則有冥神無其誠則無其神龐公盡誠之

至蒙神之庶豈有既乎於是書 一在新縣鎮康

熙四十一一年重建蕭蓼新縣鎮重建真武廟一

在城西北明代建州志 一在磚河鎮明崇禎十

七年建

國朝同治十三年重修同上

三官廟 一在州署東狼臺明代建前志 一在西

門明州人劉燾建 一在東門 一在南門河岸

明代建俱同上 一在城東曹家莊東南隅明泰昌

元年建

國朝康熙六十年重修嘉慶間又修光緒十年又重

修州志稿 一在七里淀明宏治年建 一在城東

南九十五里劉家莊明正德年建萬曆三十一年

重修今圯 一在捷第莊明嘉靖二十五年建

國朝同治九年重修 一在城南八里果官屯明代

建俱同上

財神廟 一在南門河岸明代建 一在張仙閣

旁前志明代建州志

王母廟 在天門書院舊址前志

國朝建州志

呂祖祠 在南門明代建前志

三清閣 在北門外通明宮後同上

國朝建州志

張仙閣 在西門明代建前志

國朝州人于耀斗等重修州志

城頭將軍廟 在州東北乾符故城魏書地形志

平舒有城頭神寰宇記乾符縣有城頭將軍廟州志

稿

會應神廟 在舊州宋咸平中建金正隆元年重

建州志稿補金夏會重修

中唐廟 在州境東北一百四十里沙井莊正北

蘆窪中廟已頽遺蹟尙存旁有殘碑文模糊不辨

相傳唐太宗征高麗尉遲敬德建州志

古廟 在虎皮馬莊不知何代建

國朝康熙三十一年州人馬生長等重修州志碑

州府鄒縣事黃得焜撰文未詳

迎祥觀 在舊州宋崇甯二年建州志

南閣 在南門前明代建州志

北閣 在北門前

國朝建州志

五帝廟 在南城角外前明隆慶四年建萬曆中

鹽運使張雲翼重修州志明張雲翼重修五帝

區在城之坤隅第廟建既久日月風雨棟宇傾圮神棲於敗簷頽壁之下子每過之輒用惻然况予生長堯舜之鄉深沐五帝之澤忍不修廟貌為蒸民崇德報功計乎詩曰新廟奕奕萬民斯若其此

之謂乎因捐俸金為倡運同李君時茂蓮判李君一驥暨屬員經歷何京知事張企之勳成之蓋寓沒世不忘之意非賈也五綱尚義之商王良佩夏德久王國輔李存德郭宗孟等亦羣焉助之遂撤故材崇以廣楹闢以大門繚以周垣甃以石甃白聖丹雘視昔加麗廟貌既嚴肅乎如在凡厥生民莫不起敬匪直當時踐土食毛之民慰尊親之念而已殿後又為禪堂三間佐以耳室以居僧之司香火者俾其永永勿替嗚呼是廟也創造於隆慶庚午頽廢歲久而重修于今日帝澤之在人心誠不泯哉是工肇萬曆丙辰訖丁巳吏邢教民實任其勞不負予委例得附書是為記

藥王廟 一在州署東狼臺明初建萬曆中鹽運

使張雲翼重修 前志 明張雲翼重修靈佑觀記

里國初為鎮永樂間徙滄州于此始城焉入東園池運少北層臺矗起廟貌參差詢之父老相傳為古幽燕戍將舉狼烟之所前大中丞王公建藥王諸神廟于上奕世以來每著靈異已而內子恙諸

醫縮手一夕夢一人冕旒飲以刀圭詰朝如脫余曰此藥王之神也亟謁謝之見其坳垣欹壁中唐久圯憮然有更新意適僧如禧持疏長跼懇募重修余因捐俸金若干緡鄉紳士夫以及蘆賈共施捨若干緡謀于王公孫憲副公兼委批驗所大使王三省董其事會滄歲饑民欣然以工就食不數月而竣 **光緒十三年樂字營管帶梅東益城守尉德**

明重修 州志 一在舊城東門狼臺 前志 一在城

北五里 同上 一在長蘆鎮明嘉靖間重修 明劉燾

花廟記長蘆鎮名其來久矣襟帶衛水河岸之東即滄城也河之西岸治屬青縣舊有神祠一所內塑名醫劉公神像公名守真燕人也寓於河間以藥濟世活人甚多是以沒世不忘人崇祀之東有側室三間塑送生痘疹二神亦舊址也遐邇有疾病及乏嗣者祈禱輒應歲時伏臘鄉人祭告者往來如蟻每插花載紙雖風雨寒暑亦罔恤也其靈驗人難以札記俗呼為插花廟創始之由無所考

徵獨住持收執文券一紙內開成化十三年民人
劉士能地四畝賣與尼僧圓靜為業先建廟後置
地也雖隨時修葺皆靜與其弟子洪福獨任其勞
歷歲既久神像漸朽棟宇傾頽福之徒悟清自幼
剃度焉落聰慧通曉經懺恪守清規常閉門坐關
平日足不履闕晝夜諷經呪檀那咸敬重之每聞
童牧餉婦相告語者謂送生痘疹二神坐東向西
使劉公神居未安清對神誓告願改修之人或謂
其功大難成宜仍舊貫清曰惟患志弗堅心弗誠
耳心堅可以穿石况工役乎遂虔誠禱神默相徧
告眾善人皆樂從卜日興工遠近雲集于是撤其
舊而新之改其側而正之繚以垣墉洞開二門人
各異路新其舊者中間仍塑劉公之像東西二間
添塑孫衛二公改其正者中間塑泰山碧霞元君
東西二間仍塑送生痘疹兩旁又益以眼光水母
五位共祀一室之中金碧輝煌見者起敬清又慮
久而湮沒無所考徵以其羨餘伐石立碑托市者
莊浦郭域民孫禮劉仲春詣予請言以勒之石用
垂不朽予嘉其樂善之心遂為記之其工起于嘉
靖乙丑之春落成于萬曆癸酉之秋凡善士菴尼

悉鐫名于後云萬曆元年
歲次癸酉中秋吉旦立

魯班廟 在南門河岸前志

國朝建州志

蕭曹廟 在南門河岸明代建

國朝乾隆初改建於州署內東偏同上

竈君廟 在北門前志

國朝建州志

浙江鄉祠 在小南門關帝廟後明代建同上

南皮縣

興化寺 在縣署東北明天順五年建前志明
王瓚碑記

節錄南皮故有寺曰興化國初肇立僧會司舊址
在邑之東門通衢市肆繚繞修齋誦經弗之便天
順五年僧會覺靈作而歎曰吾之教以明心見性
爲本吾之徒以清寂苦空爲宗出俗而未離乎俗
非居之善也邑之東北隅幽僻寥廓無喧塵囂
之雜碧水環帶左右望之可以洗煩襟矣徒而居
之不數年殿廡山門方丈之屬粗已完具佛像羅
漢塑繪於中者亦大都可觀成化十五年有僧定
仙者持戒慧軌行峻潔精於其道繼僧會職蒞事
以來卽以恢拓沙門爲己任捐財鳩工敝者修之
缺者補之赤者白之漫漶不飾者新之殿宇金容
煥然改觀時有弟性忠悟增輩前後協襄厥事又
得備定仙之所未備復有義官湯澄出帑續創大
悲閣於殿之後甫十年而成於是斯寺之勝甲於
滄州登慈航而望彼岸者咸嘖嘖稱賞焉

金鈴寺 在西門外

重興寺 在北街西

觀音寺 在城東十里 俱同上 明高瑞麟重修
之建昉於洪武重修於宏治甲寅至嘉靖丙午傾
圯已甚有善士姚鑑先叔仲文等各捐資鳩工偕
住持師徒德玉德金圓通圓淨增隘易復鼎新
之乙丑歲始底績月軒弟仲文之子也請余記其
末顛

塔馬寺 在城東十五里 前志

菩薩寺 在城東四十里

焦山寺 在壘城村 俱同上 有七級浮圖 縣志

龍泉寺 在東龍堂 前志

興教寺 去城十五里 同上

潞灌寺 去城六十里在潞灌鎮西唐開元四年

建明嘉靖二十年重修原名長安寺 縣志 賓重建長安

寺碑記節錄距南皮縣東南屬鎮潞灌之左寺曰

長安唐開元四年僧道湛所創迨今千餘年不知

廢於何代我朝永樂二十年巨室潘敏耕得石誌

視之曰古蹟也烏可廢因捨田園五十畝以充僧

食諸豪富輦木植磚瓦助之無何而大雄殿東西

伽藍天王鐘鼓樓臺以次完具前建山門後環方

丈兩廊僧舍齋室茶堂靡不森列復繚以垣牆樹

以林木望之規模宏敞風景秀麗偉然一大觀也

工既竣鄉耆崔義來徵予文立石紀其顛末嘉

靖三十四年泐石知縣李筵監立高瑞麟書丹

天佛寺 在尖塚莊 縣志

興和寺 在董村鎮 前志 明王用重修興和寺

董村有寺曰興和歲久年湮寺宇無存僧人本陽

與師悟聰謀曰建寺塑佛僧之責也爰發誠心節

食跣足徧歷鄉村募緣布施雖祁寒盛暑不易其

心鄉人感化富者舍地施財貧者出力資工巧者

輸技竭能經始於成化八年九月己未本陽又謂

寺既建矣不可無以示久遠礪石樹碑請予記之

茲寺也開山修造者本陽本明也助緣者文寬住

持真保地主張玘張鑑施主領袖者義官孔鐸老

人郭剛也天王殿金剛殿地主張榮張貴張弼張

四張五張智併書之以示不磨云成化二十一年

興龍寺 在黑龍村寺有藏經 前志

刁公樓寺 去城七十里

高家寺 在霍闊寨

黃家寺 在城東南六十里

永慶寺 在砥橋鎮

馬煦寺 在城東南五十里

龍門寺 在城東五十里俱同 道光閒朱淑珊募

修縣志

鐵佛寺 在城東南五十里前志

鐘煦寺 在城南六十里

金博寺 在泊頭鎮俱同上 明失名重修金博寺碑記節錄泊頭鎮距縣治

西十八里水陸要衝滄瀛一都會也舊有金博梵宇不知於何代歲久傾頹僧人福金力任修葺之白於邑侯李公曰可蓋以搢紳往來無所憩息梵宇內舊有官廡飾此以為駐節之地於是拓其舊址而擴大之鳩工於庚午歲落成次年之秋於是僧人謁余以勒銘

雪山寺 在城西北二十里前志

彌陀寺 在三十五里鋪同上

石佛寺 在城東北十八里縣志

東石佛寺 在城北三十五里前志

西石佛寺 在城北十里

白塔寺 在東北二十五里

拾女寺 在城北三十里

圓覺寺 在城東二十里

白衣菴 在東門北俱同上

大慈閣 在城內東北隅明萬曆三十年重建明徐

升階碑記節錄南邑東北隅舊有大悲閣堪輿家以為風氣所萃一邑賴之故當其時人文鵲起科第蟬聯戶口蕃息閭井殷富猶可想見其盛歲久而圯邑人謀重構之弗果邑侯李公正華於壬寅

歲興心重建甫三閱月而竹苞松茂峻閣重基巍然告成公樂其成嘉其慰吾士民之願望也顏其臺曰靈臺志臺之始且志速也又謂皮人久悲閣之無存而慈以使眾者之不難於興復為愉快也更名其閣曰大慈遺愛百姓將歲久頽壞康熙十於閣乎是寄焉其意念深遠矣

一年張福蘊等重修

縣志

悟明祖師祠堂 在丈二橋明萬歷年建

國朝雍正七年乾隆二十年嘉慶二年俱重修

張奎震重

建悟明祖師祠堂碑記節錄余居之莊曰丈二橋其東南有悟明祖師祠堂自明萬歷年間創建至國朝雍正七年間重修之乾隆二十年再修後五十五年秋住持僧賢泰以廟貌頽落與其師來請修北堂乞為募疏因歲歉事未果舉余遵先大人遺命於嘉慶二年春經理工程會首牟中元湯儀等相與督率不以為勞吳雲會張可瑄等樂於奔走不憚其苦遂於是年秋告竣乃沐手援筆為之記

至祖師生平始末與得道之由來道法之顯揚足以信人心而扶世教者創建碑文已詳之茲不復道也

玉皇廟 一在社稷壇東前志 一在釣魚臺東

東嶽廟 在南門內

泰山行宮 在火神廟東

真武廟 在北門內

三官廟 在神祇壇後

藥王廟 在關帝廟東俱同上張昕重修藥王

廟建自前明隆慶二年殿三楹南向繚以周垣堂階戶廡規模畢具其後再修再圯日就阨靡祀事缺如邑人士以為憾咸集廟庭舉事者數人謀同議協釀錢鳩工梁桷之撓折者易之垣墉之傾圯

者新之補其缺起其廢
制不改闢而煥然更始

劉守真祠 在西門外明崇禎中移建北街後又

移建興化寺西前志

三皇廟 在 萬曆四十七年重修明失名三皇廟

碑記節錄萬曆戊午秋皮邑城南五龍鄉邑增廣
生吳公閻然偶因夢兆恍若三皇面質其旁及醒
而獲然若有失也因觸而為修廟舉越己未春鳩
材庀工竭力營作病體因以漸愈一方人士莫不
神其感應捐資來助嗚呼神人之道有通必先噫
嘻奇哉迨季秋厥功告竣即行報賽復勒石以垂
不朽

鹽山縣

地藏廟 在東門外偏南前志

觀音廟 一在舊街東順治六年建 一在大南

門外街西康熙二年建

觀音寺 一在城北常郭鎮 一在城東北羊爾

莊俱同上

福泉寺 在大南門內偏東舊在小南門外與龍

王廟相比明洪武間建寺前有井水甚甘故名宏

治十年移建今地

國朝康熙八年重修縣志

金鐘寺 在城南明正統五年建前志

崇善寺 在城東北游村明天順四年建

大悲寺 在城南張村店明洪武三年建

彌陀寺 在城東南齊周務明洪武九年建

華嚴寺 一在城東北韓村鎮明正統五年建

一在城東馬村順治五年建

崇甯寺 在城東北邊家務明天順五年建

石佛寺 一在城東北摩訶村明洪武六年建

一在城東北賈象鎮明萬曆間建

高雲寺 在城西南帽架圈明天順六年建

白佛寺 在城東北褚村明正統五年建

牛留寺 在城東南金大定間建

接引寺 在城北塞里順治七年建俱同上

開化寺 在舊縣鎮東街路北明正統七年建宏

治十六年僧誠宣重修縣志

望海寺 在舊城鎮東

水月寺 在城南韓家集康熙四年胡預重修

白衣廟 一在城內西北 一在城隍廟左

鐵瓦廟 在賈金莊脊瓦皆鐵

國初建俱同上

摩利支天閣 在城東北二里順治八年建前志

玉皇廟 一在小南門內街西順治十四年建同上

一在城東八里縣志 一在羊爾莊同上

眞武廟 一在北城拱辰臺上明萬曆閒建前後志

移城下久圯縣志 一在南門外偏北前志

呂祖廟 在城西北五里縣志

碧霞元君祠 一在百尺杆村前土阜上 一在

羊爾莊正東道光二十年重修俱同上

三皇廟 在西門外偏南距城里許前志

藥王廟 在東門外劉家莊前同上

魯班祠 在福泉寺內西偏縣志

慶雲縣

白衣閣 在縣治東縣志

白衣菴 在西門外前志

觀音閣 在二郎廟前

觀音菴 在黃邱

天宮寺 在縣署西南唐太和閒建俱同上 元至大

四年重建元商挺重修天宮寺碑文詳金石 明成化四年

國朝乾隆四十五年俱重修今圯改建五楹僅蔽佛

像縣志

石佛寺 在城南二十五里紀王橋北前志

海安寺 在城南四十里管家莊西有石佛像二

縣志北齊天保八年建前志明楊巍重修德安寺
 吾友也與其弟小園皆尚佛氏一日小園偕德安
 寺僧悟通過吾桃花嶺小園謂悟通所住寺乃齊
 武平年中建有白石佛二尊今增塑十六羅漢像
 又新其殿宇助其功者幾百家聞公善人也求一
 言記之吾問其事在慶雲陽信兩境之間悟通武
 定州人俗姓李氏能解華嚴法華二經知韻學萬
 歷四年八月吉旦立石俞宗濂按此寺亦名玉
 佛寺舊通志云玉佛寺在慶雲縣內有玉彌勒二
 像法相莊嚴一為北齊天保八年造一為武平六
 年造前志云天保八年建碑記云武平中建各據
 一像以言其實造像建寺非必同一時也

金山寺 在西南十二里分水鎮西河壩前志相傳

陳玄奘出家處同上

興隆寺 在板打營北宋治平中建縣志

楊和尚寺 在城東南四十里

鐵菩薩廟 在周家莊

古佛寺 在撒家店

地藏寺 在張廷實家店俱同上

三官廟 一在西關外前志 一在紀王橋北縣志

玉皇廟 一在城西十里鋪明御馬太監鄧義建

前志 一在城南八里延陵冢上壽官賈舜民建

凌雲閣 在西關外塑玉皇像

真武廟 一在城內鳴珂街俱同上 一在東門外

拱辰街縣志縣人王鳳岐建

東嶽廟 在東門外相傳唐代建同門前有古槐
高丈八尺雍正十一年夏晝風倒越宿植立如故

人皆異之前志

泰山行宮 在西門外祀碧霞元君縣志明崇禎十

五年尼谷氏建前志

九聖祠 在崔家莊

禎祥觀 在西門外

張仙祠 在石官堂

王母廟 在城東北

三清廟 在西門外

娘娘廟 在東門外池南祀西陵氏今圯


二郎廟 一在鳴珂街元代建俱同上 一在姚家

莊縣志

藥王廟 一在太僕寺街 一在棗園橋俱同上

三皇廟 在棗園橋前志





重刊天海月示卷二十三 寺觀 五						卷二十五終
-----------------	--	--	--	--	--	-------

